

**CENSURA SACRÆ
FACULTATIS
THEOLOGICÆ
COLONIENSIS, IN
QUATUOR...**






Ex Bibliotheca
majori Coll. Rom.
Societ. Jesu

28. 4. 78.
28 28
D D
21 16







CENSURA
SACRÆ FACULT-
TATIS THEOLOGICÆ
COLONIENSIS;

IN QUATUOR PRIOR-

RES LIBROS DE REPUBLICA EC-
clesiastica M. Antonij de Dominis,
quondam Archiepiscopi

Spalatensis.

Coll. Rvm. Soc. Jgv Carol. Jnscrip. B.



BIBLIOTHECA NAZ.
ROMA
VICTORIO EMANUELE

COLONIAE AGRIPPINAE,
Apud ANTONIVM HIERAT,
M. DC. XVIII.

Errata sic corrigantur.

Probat, lege probant, p. 17. l. 5. error, adde in eo, p. 24.
l. 20. feci, lege fecit, p. 34. l. 22. habitarum, habitam, 39. l.
4. propositio, adde, posterior hæretica: prior, p. 34. l. 1. Li-
brisq;, lege Libriq; 72. l. 3. Ecclesiæ, Epistolæ, 76. l. 10. ro-
gatur, regatur, 78. l. 13. nihil, nulli, 92. l. 10. iniuriosus,
adde in Rom. Pontificem, 96. l. 13. illi, dele p. 18. l. 6. credat,
lege credant, p. 18. l. 11.



SERENISSIMO ET REVERENDISSIMO
In Christo Patri ac Domino D:

FERDINANDO

ELECTO ET CONFIRMATO
ARCHIEPISCOPO COLONIENSI,
S. R. IMPERII PER ITALIAM ARCHI-
Cancellario, Principi Electori; Leodiensi, Mo-
nasteriensi, Episcopo; Paderbornensi, Hildeshe-
mensi, Berchtesgadensi, & Stabulensi, respectue
Coadiutori & Administratori; Comiti Palat:
Rheni; vtriusque Bauariæ, VVestphaliæ, Anga-
riæ & Bullionis Duci; Marchioni Franchimon-
tensi; Comiti Loffensi, &c. LEGATO Sedis Apo-
stol. NATO: S. THEOLOGICA FACULTAS
VNIVERSITATIS COLONIEN-
SIS SEMPITERNAM FOE-
LIGITATEM.

POST QUAM M. Antonij de
Dominis, Archiepiscopi quon-
dam Spalatenfis, nunc Aposta-
tæ, de Republ. Ecclesiastica no-
uellæ lucubrationes, Serenissi-
mæ Celsitud. Vestræ oculos offenderunt,
A. 2 dignum

dignum tanto Præsule, quantum in FERDINANDO Catholici omnes veneramur, consilium suscepit, librorum eiusmodi, priusquam Subditorum suorum vsui permitterentur, finem, fidem, & argumenta per sanctam Facultatem Theologicam Almae Vniuersitatis Colonienf. inuestigandi.

Etsi verò ipsa professionis & officij nostri ratio postularet, vt nemine etiam hortante, clypeum aliquem virulentis A. duerfarij istius iaculis tempestiuè obijceremus, memores pietatis & diligentiae à Maioribus nostris, contra Martinum Lutherum ante 100. plus minus annos pro Ecclesia in simili negotio praestitae. Ex quo tamen Serenissimae Celsitud. Vestr. placuit, currentibus insuper stimulum addere; iniunctus labor non minus celeri, quam prospero, vt speramus, exitu consummatus est.

Is igitur vt breui verborum periodo, & summario veluti schemate eidem innotescat, Codicem in primis Apostatae supradicti, excusum in Anglia, à capite vsque ad calcem euoluimus, quanto quisque animi
tadio

tadio & indignatione; quanto stupore, ac trepidatione, æstimari non potest. Nauseam mouebat intolerabilis superbia, in sanctissimis Ecclesiæ Patribus ac Concilijs tam vetustis quàm recentioribus vilipendendis, deprimendisquæ, quasi solus ipse super omnes alios, nostro tãdem hoc sæculo, veluti cedrus quædam in Libano *Psal. 36.* excreuisset; quæ quidem arrogantia cum ante defectionẽ hominis sub ulcere quodammodo occulta latuerit, nunc porro purulento facundiæ genere foras erupit.

Indignatio accendebatur, ex peruersâ docendi libidine, quâ sacros Scripturarum textus, sciens, volens, à genuino sensu, ad eorum ingenium scilicet, quorum *farre viuit & are*, violenter detorquet.

In stuporem verò quis non raperetur maximum, quod tantæ in Ecclesiâ dignitatis Antistes, in sua pariter & Mundi senectute, hæresibus verò plerisque iam ad interitum labentibus: ab Ecclesia Iustorum ad synagogam declinauerit impiorum; è domo paterna, ad Exilium; ab ouibus Christi ad porcos; à pane filiorum ad filiquas; Et *qui nutriebatur in crocæis, amplexatus sit stercora?* *Thren. 4.*

Nimirum manifesta facta sunt in Marco Antonio, viuientis Dei iudicia, qui superbos *Mente cordis sui* omnium vehemētissimè execratur : ad quæ proinde iustum ac rationabile est , vt nobiscum boni omnes, cuiuscunq̃ue ordinis ac sublimitatis sint, dum stare sibi videntur, toto corpore & animo contremiscant, ne concidant.


Libro euoluto, & Spiritu veritatis solenni ritu inuocato, totum quidem illum veluti Hæreticum, schismaticum, scandalosum, ac seditiosum; plenum nouis antiquisque hæresibus, erroribus, falsitatibus, mendacijs; contra Fidem & Mores, aduersus publicam pacem ac iustitiam, contra omnem reuerentiam & obedientiam Ecclesiæ Prælati debitam refertum conuictijs & calumnijs, abolendum exurendumque censuimus: sed quosdam præcipuè articulos notare visum est; ne si quibus fortè sententia hæc nostra dubium pepererit, ipsum Authoris pestilentissimum codicem tractare cogantur; sed vel ex opusculo hoc quasi ex pauculis pomis , reliquos etiam maledictæ istius arboris fructus cognoscant.

Tuum nunc est, Serenissime Princeps,
 Præful vigilantissime, Lupi huius insidijs
 opportunè occurrere: præactū opus, qua-
 si Circaū poculum, quod bibentes in por-
 cos transmutassē Poetæ fabulantur, fide-
 libus interdicere: Exemplariā procul à fi-
 nibus Archiepiscopatus Coloniensis pro-
 scribere ad Vulcanum vsq;: Nec aliud me-
 moriæ M. Antonij Monumentum per-
 mittere, quàm vnde probi & improbi o-
 mnes intelligant, *Impossibile esse corrigere*
quem Deus despexit.

Hiscē, quod reliquum est, Serenissimæ
 Celsitud. Vestr. incolumitatem, die no-
 ctuque humillimis votis Deo Opt. Max.
 commendamus. Coloniae Ipsa S.

Ambrosij Ecclesiæ Doct. An-
 no Christi. M. DC.

XVII.



1

C E N S U R A
S A C R Æ F A C U L
T A T I S T H E O L O G I C Æ
C O L O N I E N S I S .

In quatuor priores libros de Republ. Ecclesiast. à M. Antonio de Dominis nuper editos.



Astoralis officij sui & administrationis à Deo sibi cōmissæ memor B. PETRVS vt Ecclesiam aduersus futuras hæreticorū insidias præmuniret *fue- 2. Pet 2.*
runt ait & pseudopropheta in populo sicut & in vobis erūt magistri mēdaces, qui introducēt sectas perditionis. Quod quam verū fuerit totis iā sexdecim sæculis experta est Ecclesia & miserrime etiam nū ex-
peritur: dum exeunt ex nobis qui non erant ex nobis. 1. Ioa.

Fidelis tamen deus sicuti Ecclesię supra B. PETRVM ædificandę inuiolabilē promisit firmitatem, ita exurgentibus, cōtra eam hæresibus suos excitauit excubitores, qui pro domo Dei quæ est *COLVMNA & firmamētum veritatis indefesso 1. Tim 2.*
studio sese opponerent, factumq; id nō tantum ab Episcopis & Pastorib. quos posuit Spiritus S. re- 1. Tim 2.
gere Ecclesiā Dei, sed etiā ab Vniuersitatib. & Collegijs quę ad hoc Deus in Ecclesia instituit vt de-
positum antiquæ Orthodoxæq, fidei illic contra
omnes profanas vocum nouitates & oppositiones falsi 1. Tim 2.
nominis scientiæ custodiretur.

Qua propter facultas Theologica Coloniēsis

†

memor

memor obsequij quod Christo eiusq; Ecclesiæ debet, & diligentia, quam contra emergentes hæreses suis temporib. Doctores eiuldē facultatis, semper præstiterunt, postquam intellexisset editum esse librū, de Republ. Eccles. M. Antonij de Dominis, quē & ex fœdissima Authoris apostasia, & ex edita ab eodem breui apostasiæ apologia meritissimo suspectum habebat, ne felices Ecclesiæ progressus, quibus illa, Deo benedicēte, quotidie, de hæresibus iam senescentib. triūphat, quicquam detrimenti, aut impedimenti, à nouo hoc malo acciperēt, putauit illud sibi merito incumbere, vt in hunc M. Antonij librum diligentissime inquireret.

Quā de caussa cum ann. Dom. 1618. die 8. Februar. post priuatas libri totius relectiones Ex. D. SEVERINVS Binius eiusdem Facult. D. & Decan. toti Facult. post Missam de S. Spiritu, solenniter cōgregatæ, in domo Capitulari Franciscanorum Conuent. & suo & aliorum DD. nomine exposuisset; *Quatuor libros priores M. Antonij de Dominis de Republ. Eccles.* editos, apud Ioānem Biliū Londinī an. 1617. ab ipsis priuatim lectos; multas propositiones hæreticas, schismaticas, erroneas, & calumniosas, continere; adeoq; pro honore Facultatis necessarium videri, vt eadē. Predecessorum suorum vestigijs insistentis ac speciatim ad hoc Sereniss. sui Principis Electoris hortatu animata è suo Collegio, quosdā Mag. NN. deputare dignetur, qui Opus totum publica cōmissione

missione relegant, & propositiones in eo offēsi-
uas extrahant, easq; deinde ad totā Facultatem
referant: Facultas huic petitioni deferēs, quinq;
DD. propositum à D. Decano negotium sollicitè
cōmisit, supradicta Februar. die, Qui dein accu-
ratè perlecto opere, exceptisq; propositionibus
infra descriptis, vlt. Martij toti Facultati solen-
niter apud Dominicanos cōgregatæ easdē exhi-
buerunt, tanquam selectas, & præ cæteris nota-
biliore: cū alioquin totus liber hæresibus, fal-
sis, detortisq; expositionibus, citationibus frau-
dulenti, & truncatis, calumnijs, & conuitijs
plenus sit.

Facultas itaq; singulis rite examinatis, discuf-
fis, & ad ipsum exēplar collatis; ex tunc censuit
sicuti & nunc per præsentēs censet, ac declarat:

I. Totum librū, tanquā S. Scripturæ, Concilijs,
Vnanimi SS. PP. Doctrinæ, à Christo Dom. in-
stitutæ & perpetuo obseruatæ Ecclesiast. hierar-
chię contrariū, hereticum, schismaticū, calūnijs
in oēs Catholicæ Ecclesiæ Episcopos, ac nomi-
natim in ipsum toti⁹ Eccles. CAPVT Rom. Pōti-
ficē maledicētissimis impudētissimis mēdacijs,
arrogātissimis in quoslibet Scriptores iudicijs,
mordacibus & Christiana modestia indignis
sarcasminis plenum, damnandum esse pro vt de
facto censet ac damnat.

II. Pontificē ipsum, tanquā verū VNIVERSALIS
Ecclesiæ CAPVT humillime obsecradū, sicut de
facto obsecrat, vt pro defensione Ecclesiasticæ

Hierarchiæ & PRIMATVS sedis Apostol. ad exemplar Sanctissimorū Prædecessorū suorum nō grauetur facere cōtra M. Antoniū: quod in simili PRIMATVS impugnatione, octaua Generalis Synodus petijt ab Adrian. Pap. cōtra Photium. Similiter rogandos oēs Eccles. Cathol. Antistites, ac præcipuè SERENISSIMVM & REVERENDISSIMVM Archiepiscopū & Principē Electorē Nostrum, vt eundem hunc librum, ex omnibus diœcesium suarum finibus, tanquam hæreticum & subditis noxium proscribere, & relegare Ecclesiastica sua Authoritate dignentur.

III. Omnes Ecclesię Cathol. Principes ac defensores, & vniuersum Magistratū Ciuilē humillime obsecrandos pro vt de facto obsecrat; vt Ciuilibus quoq; edictis, & pœnis subditorū suorū saluti & fidei contra hunc librum sic prospiciāt; vt exemplaribus vbiq; locorum exustis, omnes intelligant, melius in hoc mundo esse, vt libri mali pereant, quam animæ Christi sanguine redemptæ per eos perdantur.

IV. Vt propositiones per deputatos Dd. selectę, ac per Facultatem examinatę, ad publicum veritatis eorū quę per Facultatem acta essent testimonium, deputato ad hoc typographo tradantur, & curantibus à Facultate deputatis, in lucem emittantur: Datum Coloniae in nostra Congregatione Generali, apud Prædicatores, in domo Capitulari celebrata.

ann. 1618. vltima
Martij.

I
PROPOSITIONES,
EX IV. LIB. M. ANTONII
supramemoratis, selectæ, & per Fa-
cult. Theolog. Colon.
damnatæ.

LIBER PRIMVS.

Præfatio.

Num. 2.



VEIER fortissima, Ecclesia, misce-
randum in modum delituit.

*Propositio hæretica, visibilitati Eccle-
siae, quæ nullo vnquam tempore delituit,
repugnans.*

Num. 3.

Tempore Augustini ipsa mulier rursus cogi-
tur delitescere, & paucorum se obtutibus exhi-
bet intuemdam.

*Propositio falsa, quæ in autore ignorantiam historia-
rum Ecclesiasticarum manifestat, indicatq³ eundem (et-
si frequentibus S. Augustini testimoniis gloriatur) tamen
in lectione Augustini minus fuisse versatum: siquidem in
omnibus libris contra Donatistas, præcipuum eius argu-
mentum ex visibilitate & vniuersalitate Ecclesiæ est de-
sumptum.*

In expositione consilij suæ præfationis.

Num. 3.

Meam hanc in loci mutatione, diuinam esse vocationem non humanā, nullo modo aut possum, aut debeo ambigere.

Propositio Syvencfeldiana repugnans ordinariae & legitime vocationi Ministrorum Ecclesiæ, quæ ad Rom. 10. describitur.

Num. 4.

Piaculum ducebam, ne aduersus fidei certa mihi putata dogmata (pro talibus enim nobis pueris venduntur) vel leue dubium admittere.

Propositio calumniosa in Ecclesiam, quæ in articulis fidei errare non potest.

Ibidem.

Eos libros hereticos meritò prohiberi censebā; ne vulgares homines iudicio & discretionē destituti, falsitatis imbibendæ periculis exponantur: quod verò studiosis, & optime erga Catholicam fidem affectis, & sana doctrina pollentibus penitus auferrentur, suspitione rem non carere, vt ratio meritò dictat, semper sum arbitratus. In quibus abscondendis, suppressendis, perdendis, adeo laboratur, vt hoc ipso latere aliquid in illis liceat suspicari, cui conuellendo doctrina nostra non sufficiat.

Suspicio temeraria in Ecclesiam, calumniosa & falsa; in verbis, ratio merito dictat, & latere aliquid. &c.

Num. 8.

Num. 8.

Vidi iam apertissime penitusq; perspexi Romæ, absque vlllo legitimo fundamento, imo per summam vim, in innumeros fidei articulos novos quotidie cudi, & nobis obtrudi, &c.

Narratio falsa, & in Ecclesiam Romanam iniuriosa, & calumniosa.

Num. 10.

Quid iam sunt Episcopi sub Romano potentatu? In temporalibus quidem, vbi optima sunt sacerdotia, & dignitate eminent sæculari, Magnates sunt, conspicui sunt, principes sunt; sed Episcopi, nisi æqui voce, nequaquam sunt.

Propositio falsa, & calumniosa, hæresin Hussitarum redolens, vt & ratio subsequens.

Ibidem.

Ecclesia sub Romano Pontifice, non est amplius Ecclesia: sed Resp. quædam humana sub Papæ Monarchia tota temporali: Vineæ est, ad solum Noë inebriandum, &c.

Propositio hæretica & maledica.

Num. 13.

Cū aliquando Rex Dauid de adulterio & homicidio esset obiurgandus, nō summus Pōtifex, nō alius aut Sacerdos, aut Leuita; non quispiam aut amicus aut familiaris, id muneris ausus est assumere; sed Deus ipse suos proprios ac peculiares ad hoc exhibuit nuncios, Nathanq; Prophetā.

Adulatio Anglicana, adimens Romano Pontifici potestatem corrigendi & censendi Magnatum delicta.

Ibidem

Ibidem.

Non est nostri Romani Papæ, non est tanta maiestas, vt terrere debeat: ficta est illa, temporalis, & fastuosa maiestas, vsurpata est, nulla est.

Si loquatur de potestate indirecta, quam habet Papa super Principes, hæretica est: si de temporali dominio rerum Ecclesiæ Rom. donatarum, iniuriosa & falsa est.

Num. 16.

Cauete, ne cum Stephano excommunicationibus importunis, charitatem abrumpere tentetis.

Propositio in B. Stephanum Papam I. & Martyrem iniuriosa.

C A P V T I.

Num. I.

Qui de republica Ecclesiastica, sicut de purè humanis, philosophantur, mihi videntur, non parum à recto tramite aberrare: non modo quia in eo requirunt veram iurisdictionem, hoc est, vim coactiuam, & subiectionem externam.

Propositio hæretica, quatenus negat in Ecclesia iurisdictionem coactiuam.

Ibidem.

Multo magis, aberrant, qui putant, vt in humanis, absente Rege, & Reipublicæ gubernatore, sicut etiam eo ex humanis sublato, alium esse eidem subrogandum.

Propo-

Propositio similiter hæretica, quatenus negat in Ecclesia regimen vnius: eamq; inepte autor probat.

Num. 2.

Nullum ergo aliud caput agnoscebat Paulus nisi Christum; & inter membra Christi, non secus includit etiam Petrum, quàm se & alios Apostolos, ac fideles.

Propositio falsa.

Num. 3.

Hoc vero regimē esse spirituale, nec egere corporali præsentia, sed influxu internę gratiæ ipsum peragi, satis declarat idem Paulus.

Propositio, quatenus visibile Ecclesia Caput & regimē tollit, hæretica est.

Num. 4.

Quando itaque ait Apostolus, Caput nō posse dicere pedibus, non estis mihi necessarij, intelligit caput, vt est commembrum in eodē corpore cum pedibus; non autem vt est suo influxu, suaq; virtute totius corporis rectium.

Expositio falsa & detorta.

Num. 5.

Augustinus neque extra Christum cognoscit caput vllum.

Propositio falsa est, & S. Augustino iniuriosa.

Num. 6.

Abhorret vero plurimum idem Gregorius, si aliquo

aliquo pacto dicatur Ecclesia habere in terris vltimum caput præter Christum, ne Apostolum quidem.

Propositio falsa: cum S. Gregorius l. 7. epist. 30. quæ est ad Eulogium, apertè profiteatur, nomen Vniuersalis Episcopi oblatum esse Romana sedi per synodum Chalcedonensem.

Num. 10.

Caput vt caput nullum aliud habet officium, nisi interno influxu regere & gubernare totum corpus.

Propositio erronea, & subuersiua omnis regiminis ciuilis & Ecclesiastici.

Ibidem.

Quicumque homo in Ecclesia est vt visibilis, membrum, non caput est.

Propositio hæretica.

Num. 13.

Sacerdotes omnes mortales in Ecclesia Christi, quicumque illi sint, non tam dicuntur proprie Sacrificium offerre, quod verè & propriè solus Christus obtulit, quàm Sacrificij illius maximi memoriam celebrare.

Propositio hæretica, quatenus negat Sacerdotes offerentes corpus & sanguinem Christi, sub specie panis & vini contenta, esse verum & proprium Sacrificium.

Ibidem.

Neque quisquã verè & propriè, vt docet Augustinus & Chrysostomus, sacrificat, sed memoriam solam repræsentat.

Propo-

Propositio falsa, & in allegatos Patres iniuriosa: quorum sententiam, addendo vocē solam, contra propriam conscientiam corrumpit. S. Augustinus enim verbis ab autore eodē hoc numero citatis dicit: [Christiani peracti eius sacrificij memoriā celebrant sacrosancta oblatione, & participatione corporis & sanguinis Domini.]

Num. 14.

Non Ambrosio plus Petrus, quā sola imago Pontificis Christi, tantundem quantum quilibet aliorum Apostolorum.

Propositio falso deducta ex verbis S. Ambrosii in particula sola.

Num. 22.

Non est difficile in doctrina Catholica defendere, Ecclesiam veram primitivam post Christi ascensum propriē suum ortum habuisse.

Propositio temeraria, si non haeretica, repugnans aternitati regni Christi.

Num. 13.

Quod ergo in terra Christus mortalis visibiliter exercuit; hoc & non aliud mortalibus hominibus ipsius ministris exercendū committebat: & quod ipse mortalis visibiliter nō exercuit, neque mortalibus commisit, imō nec committere debuit; sed sibi vt vero capiti & Domino reservavit; internum videlicet & spiritualē influxū, & omnes internos spirituales & supernaturales effectus: extra quos nudū relinquebat suis ministris externum ministerium & laborem.

Funda-

Fundamentum hereticum, hæreseos, quam plenius author tractat sequenti capite.

Num. 14.

Ego sane in Christi visibili regimine ordinatio hæc tantum obseruo, sacramenta visibilia instituire; Ministros vocare & mittere; Euangelizare; Ministros suos errantes corripere & increpare; Legem explicare, eamq; à corruptelis vindicare. Alterius generis officia à Capite Christo, vt visibilis erat, prodeuntia, ego certe non reperi.

Propositio heretica, quam plenius tractat autor tertio capite.

Ibidem.

Reliqua omnia hæc munera omnibus Apostolis sunt æque à Christo commissa.

Propositio heretica, in verbo aequæ.

C A P V T II.

Apostolorum munus fuisse tantum ministeriale.

Titulus hereticus, quem ex testimonijs diuersis scripture, quibus Apostoli Christi Dei ministri appellantur, addita particula tantum malitiose probare prætendit.

Num. 7.

Nos verò, inquiunt, Apostoli, orationi & Ministerio

nisterio instantes verbi erimus. Non dicunt: Nos legibus coactiuis condendis, ac tribunali vacamus, nos pro arbitrio præcipiendo, puniendo, dominando, occupabimur: sed orationi & ministerio verbi instantes erimus: Quia aliud sibi officium commissum non agnoscebant.

Propositio falsa, & inepta argumentatio; in qua ex negatione violenta dominationis, insert negationem legitimæ potestatis.

C A P V T III.

Apostolos omnes, in omni officio, & munere Apostolico, ac in omni potestate fuisse inter se pares, & omninò æquales.

Propositio vel titularis Inscriptio planè hæretica, quam ad nauseam toto capite frequenter repetit.

Num. 6.

Sed expressam æqualitatem potestatis inter Apostolos agnouit, semper antiquitas.

Calumniæ.

Num. 18.

Evidenter colligo; disparitatem potestatis inter Apostolos, esse humanum inuentum.

Propositio hæretica & schismatica.

Num. 19.

Eodem modo, quo quis, putà Ioannes, subdi-

B

tus est

tus est Petro, propter Apostolatam; etiam omnis Petrus, vice versa subditus erit Ioanni & reliquis, propter eorum Apostolatam.

Propositio hæretica, quatenus Petrum subijcit Ioanni, cum Petrus soli Christo fuerit subiectus.

Num. 14.

Omnia Romanorum Pontificum, in hoc genere, dicta, meritò suspecta possunt haberi. Et paulò post eodem: Vt pluris facienda sint dicta Cypriani, Hieronymi & Augustini, quàm Leonis; neq; vnius Leonis oratoriæ amplificatum dictum, poterit apertissimis in contrarium tot Sanctorum Patrum dictis, fidem derogare.

ASSERTIO temeraria & audax.

Num. 33.

Planum est, neque à Christo Monarchiæ formam fuisse immediatè in Ecclesia institutam.

Propositio hæretica & schismatica, Hierarchiæ & pacis Ecclesiasticæ perturbatiua.

Num. 34.

Per plura prima sæcula Christi Ecclesia formam Apostolicam regiminis seruans, constanterque retinens, nunquam ne vmbra quidem Monarchiæ admisit.

ASSERTIO falsa, historiæ Ecclesiasticæ repugnans.

C A P.

CAPVT IV.

Apostolis omnibus & non soli Petro, Christi Vicarij in terris nomen & officium, æquè competijſſe.

Titululus hæreticus in verbo *AEQVE*. Nam ſicuti Episcopij & Sacerdotes imò & laici baptizantes ſunt Vicarij Chriſti, ſed non æquè, quia non cum equali poteſtatis plenitudine; ita Petrus & Apoſtoli omnes ſunt Vicarij cum plenitudine poteſtatis; ſed non æquè: quia non æquali modo. Petro enim datus fuit, vicariatus vt officium ordinarium, quod in ſucceſſorem eius transmittetur; reliquis vt officium extraordinarium in ſucceſſores eorundem non transmittendum.

Num. 2.

Si de vero & proprio Vicario loquamur, qui perfectiſſimè Chriſti vices, poſt eius in cælum aſcenſum, plenè geſſerit, geratq; in terris, & geſturus ſit, vſq; ad conſummationem ſæculi, quis dubitat eſſe ſpiritum ſanctum paraclerum?

Hæc propoſitio eſt erronea & periculosa hæreſin Macedonij renouans in verbo Vicarij, propriè ſumpti.

Num. 4.

Pater denique Auguſtinum in Petro nullum primatum autoritatum agnouijſſe; imò ne ſuſpicatum quidem fuiſſe.

Aſſertio falſa, & in S. Auguſtinum iniurioſa.

B

2

CAP.

CAPUT V.

Num.3.

Matthæus enim priusquam illa contigissent, recenset nomina duodecim Apostolorum hoc pacto.

Propositio falsa. Matthæus enim non recenset nomina Apostolorum, nisi aliquot annis post Christi resurrectionem, quando Euangelium scripsit.

Num.7.

Inuenio ego Petrum primatum aliquem, citra tamen Principatum potestatiuum, & iurisdictionalem, esse consecutum; nimirum ex ætate, &c.

Propositio hæretica in verbis, citra principatum potestatiuum & iurisdictionalem.

Num.17.

Hæ antiquæ Epistolæ, etiam si illorum Pontificum quibus ascribuntur, vix esse credantur, ut alibi differemus, sunt tamen satis antiquæ, & ad oppugnandas Romanas traditiones, non ad confirmandas validæ.

In epistolis Decretalibus censendis & dyjudicandis Magdeburgensium hæreticorum exemplum imitatur hæreticus, ut contra Epistolas Primatum Petri potestatiuum & iurisdictionalem mille locis asserentes, triumphare possit.

Num.19.

Num. 19. finali.

Atque hunc solum primatum: nempe ætatis, vocationis, & amoris: conuincunt & non alium maiorem, plurima diuinæ scripturæ, & sanctorum Patrum loca.

Propositio falsa & hæretica in verbo, non alium.

C A P V T VI.

Num. 4.

NEque video, cur tres posteriores sententias maluerit tribuere Erasmo, Caluino, & Luthero, quam Catholicis Patribus in Ecclesia etiam Romana celeberrimis.

Propositio fraudulenta; indicat enim expositiones illas hæreticas, esse Sanctorum Patrum, cum tamen eorum non sint.

Ibidem post pauca.

Erasmum dicit sentire, cum Origene omnem hominem fidelem esse hanc petram, super quam Ecclesiã ædificandam esse Christus pronunciat.

Mendax de Origene sententia, qui sensu literali hæc accipiens, Catholicam expositionem amplectitur: allegoricè omnibus fidelibus eadem accommodat.

Num. 10. prope finem.

Hi sanè omnes dum Petrum à petra, id est, à Christo, nomen habuisse contendunt; procul dubio per illa verba, super petram, vix consentire

B 3 possunt

possunt significari super Petrum si Petrus Petrus non est, nisi à petra qui est Christus.

Consequentia sophistica : quia nomen Petra, sicut Capitis aliorumq³, conuenit Christo, & Simoni Ioannis; sed differenter; illi per excellentiam, huic per participationem.

Num. 15.

In his verò Breuiarij potiùs deformationibus, quàm reformationibus, quia bonam fidem desideramus, meritò scandalum datum patimur.

Propositio temeraria (cùm nulla sit causa desiderandi in his bonam fidem) & presumptuosa, ac in Ecclesiam impia, in verbis: meritò, & scandalum datum, si non hæretica & schismatica.

Num. 16.

Videsne ab Ambrosio expressè negari, petram ibi ad personam Petri referri?

Imponit Ambrosio: veramq³, sententiæ illius expositionem statim malè impugnat. Quod idem rursus facit in Chrysostomo infra num. 19.

Num. 10.

Christus & fides Christi Ecclesiam illam, quam meam dixit Christus, post passionem tantum, & resurrectionem ædificauit.

Propositio hæretica, omnes enim, quotquot ante Christi natiuitatem saluati sunt, per fidem Christi saluati sunt.

Num. 21.

Num. 21.

Similitudo seu Metaphora ædificii in eo consistit, vt sicut fundamento hærent reliqui lapides, & ab eo sustentantur in illa vnione, & cohærentia; ita & ecclesia, hoc est, fideles, in fide vna & eadem innixi, inter se retinent cohærentiam & vnionem; qua fide sublata, concidunt ex ædificio illi, qui cum cæteris fidelibus sola fide & ei annexis cohærebant, hoc autem neque de Petro, neque de vlllo homine potest verificari. Imo omnino contrarium sequeretur, si homo esset fundamentum Ecclesiæ: non enim fideles, qui faciunt Ecclesiam, inter se sunt vnum, quia vni Petro, vel alteri homini adhærent.

Explicatio fraudulenta & tegens hæresin in verbis illis: hoc autem neque de Petro potest verificari. Ecclesia enim vna est vnitæ fidei ab vno Pastore proposita.

Num. 30.

Adeò enim difficile ne dicam impossibile est suprematum hunc Petri, ex illis præcisè promissis, super hanc Petram ædificabo Ecclesiam meam, colligere aut confirmare; vt vel ipsi Monarchici nostri, quo se vertant, non inueniant; vt in nomine seu metaphora fundamenti primatus inueniant autoritatem, & Petri supremam præfecturam.

Propositio falsa & calumniosa, nam in moralibus is, qui fundamentum est, etiam caput est; soli autem Petro

data est promissio fundamenti: adeoq; & soliper fidelitatem Christi, hac dignitas collata.

Num. 35.

Petrus fermè statim ab illa eadem fide decedit, neq; semel, sed sæpiùs titubauit, etiam post Christi ascensionem, & Spiritus Sancti illapsum.

Propositio in B. Petrum iniuriosa & erronea.

Num. 39.

Neq; putet quis ibi Petro commendari fratres, hoc est, coapostolos: nam fratrum nomine Christus intelligit fideles omnes ab Apostolis instruendos.

Expositio erronea & communi Sanctorum Patrum interpretationi repugnans, verbo fratres.

Ibidem post pauca.

Tu qui lapsu tuo plurimùm fratres tuos Apostolos scandalizasti, qui maximè omnium debebas esse cæteris posterioribus, & iunioribus exemplum constantiæ, conuersus tua pœnitentia, confirma illos.

Erronea expositio verbi, confirma.

Num. 45.

Omnibus porrò Apostolis, non minus quàm Petro, eandem competere Metaphoricam fundamenti rationem, senserunt Patres ferè omnes Catholicæ Ecclesiæ propugnatores.

Propo-

Propositio falsa & erronea, plus enim quàm reliqui Apostoli habuit Petrus, quia specialius ei promisit Christus, quod ad probationes ex Patrum autoritate petitas attinet, congerit eas quidem author, sed assertionem suam nihil probat.

Num. 49.

Profectò Hieronymus dicit | ex æquo omnes Apostolos fuisse Ecclesiæ fundamenta: neq; addit Petrum tunc factum ordinarium Pastorem & caput; à quo penderent cæteri Apostoli in regimine.

Abuitur testimonio S. Hieronymi cum B. Hieronymus expresse ibi addat; sed vnus eligitur, vt capite constituto schismatis tolleretur occasio.

Num. 50.

Interim verò plurimùm conqueror, quod nūquam Monarchici exposuerint, quid sit ipsa Ecclesiæ ædificatio, & quomodo illa in solo Petro fuerit verificata, si soli Petro fuit promissa.

Propositio in scriptores Catholicos iniuriosa; cū potius author se debuerit accusare secordiæ, qui ad rem tanti momenti non aduerterit.

C A P V T VII.

Num. 3.

O Stendo nihil promitti aut dari Petro illis verbis: quodcunque ligaueris, quod alijs promissum non fuerit, hoc enim Patres & animaduenterunt, & expresserunt.

B 5

Propo-

Propositio heretica, erronea & in Sanctos Patres calumniosa.

Num. 4.

Nihilominus illius Concilij (Colonienfis) Patres primatum Petri supra alios Apostolos, & consequenter illi Monarchiam Petri certè hoc loco non admittebant.

Propositio in Patres Concilij Colonienfis contumeliosa, constat enim ex eiusdem Concilii actis inter ea de quibus examinari debent ei qui de heresi suspecti sunt questione 37. quari, An credat S. Petrum fuisse Principem Apostolorum, & Christi Vicarium, & Romana & Catholica Ecclesie summum Pontificem.

Num. 13.

Quia igitur Patres communiter tantundem dari, seu promitti omnibus Apostolis censuerunt illis verbis: Quaecunq; alligaueritis &c. quantum promissum seu datum sit Petro illis; Quodcunq; ligaueris &c. ne hinc rueret totum Papatus fundamentum, Patres omninò deferere nostris diebus coactus fuit Maldonatus. Et post pauca: Non ego, inquit Maldonatus, eodem sensu quo Patres, etiam alijs Apostolis, hoc dictum interpretor.

Ingens impudentia M. Antonij, qui non veritus est Maldonatum corrumpere, ut fingeret eum ad sustentandum Papatus fundamentum, à Patrum expositione recedere, & pro verbis Maldonati. Nec enim eodem sensu quo Petro, atq; alijs Apostolis dictum interpretor quodcunq; solueris, &c. fraudulenter supponere. Non ego eodem

dem sensu quo Patres etiam alijs Apostolis hoc dictum interpretor,

Num. 14.

Patres ut vidimus num. 4. & adhuc inferius melius videbimus, clauum traditionem aliam in Euangelio non agnoscunt, nisi Ioannis 20. sicut misit me Pater, &c. Et accipite Spiritum Sanctum, quorum remiseritis, &c.

Propositio erronea, cum frequentissime Patres agnoscant B. Petro datam potestatem clauum, verbis illis: Pae sce oues.

Num. 15.

Velut nouum omnino & sanctis Patribus aduersans, ac fortasse etiam diuinæ scripturæ repugnans; reiiciendum puto, & procul ab Ecclesia Catholica amandandum, id quod recentiores isti Theologi nuper excogitauerunt, & ex illa Christi actione erga Petrum singulari, non modò insufficienter, sed etiam perperam de *Ordinaria* & *primaria* cura pastoralis collegerunt.

Propositio temeraria in verbis istis: patribus aduersans, & scripturæ repugnans, & calumniosa in verbo insufficienter & perperam.

Num. 16.

In re quidem & promissa & data, non est difficultas, ut iam manifestum reddidi, quia totum datum est Apostolis, quod Petro; & in hac plenè mecum nostri Monarchici conueniunt, vel inuiti.

Inepta gloriatio & falsa.

Num. 18.

Hæc est pura & defæcata Cypriani lectio, prout omnes antiqui Codices habent. Pamelius enim Aldo Grammatico nixus, ineptè intrusit illa verba, Primatus Petro datur; quæ ex aliquo marginali, si dolus malus absuit, in textum aliquem impurum, irrepsert.

Temeraria censura Aldina & Pameliana lectionis, cùm ea antiquis codicibus firmetur.

Ibidem circa medium.

Agnoscit ergo Cyprianus mysterium in eo, quod soli Petro Dominus loquatur, & non mysterium ullius suprematus.

Hoc loco, ut & toto deinceps capite, variè author detorquet sententias Sanctorum Patrum, ne hæresiam ab eo frequenter insinuatæ præiudicare videantur, vnde & falsò tandem maledicè ac hereticè numero 32. concludit.

C A P V T VIII.

Non conferri in Petrum primatum Ecclesiæ illis verbis: Pasce oues meas.

Propositio hæretica & omnium ferè Conciliorum Aetis repugnans.

Num.3.

Quod ergo vni Petro, & seorsim dicitur, *pasce oues meas*, mysterium tantum est: ut discant omnes
Aposto-

Apostoli & ministri Christi, etiam si sint innumera-
biles, vnicam tamen omnes & eandem exer-
cere pasturam, & omnes simul ac in solidum vni-
cum eos debere esse pastorem.

*Propositio haeretica, & scriptura, ad eam confirman-
dam, violenta expositio.*

Num. 4.

Hic (nempe in verbis, *Pasce oues meas*) pos-
set aliquis, nec fortassis immeritò, ad solam pa-
sturam, hoc est, prædicationem se restringere.

*Expositio haeretica, & nulli Sanctorum Patrum ante
cognita. Illis enim pascere omnia complectitur, quæ ad
Ecclesie regimen requiruntur.*

Num. 5.

Erit igitur amplificatio quædam oratoria illa
Bernardi; dum ait ad Eugenium Papam. *Pasto-
rum tu vnus omnium Pastor.*

*Nimis leuiter conatur declinare auctoritatem S. Ber-
nardi, cum ex libris eiusdem aperte constet mens Ber-
nardi.*

Ibidem.

Omnes proculdubio Petro assignantur oues,
ad quascunq; accesserit.

*Propositio fraudulenta, sub qua videtur author tege-
re heresin illam, quod S. Petro non sint commendati tan-
quam oues, nisi ad quos personaliter accessit.*

Ibidem.

Ibidem.

Quamuis posset aliquis asserere, vt mox dicam, oues quæ essent tunc ouilis Christi fuisse propriè oues Christi, quas Petro commendabat: oues nimirum illas, de quibus dicebat Christus: non sum missus, nisi ad oues quæ perierunt, domus Israel.

Expositio heretica, quatenus indicat solos Iudæos S. Petro tanquam oues fuisse commendatos, repetita inferius num. 10

Num. 6.

Mysteria quæ alij venantur in verbis: *Pasce agnos meos*, siue ouiculas & oues vt Bellarminus, à me contemnuntur in proposita de primatu Petri quæstione.

Nihil mirum, quia neq₃ ouis es neq₃ agnus.

Ibidem.

Illos tamen probare non possum, qui verbis illis: *Pasce oues meas*, Petro etiam ipsorum Apostolorum curam censent à Christo fuisse commissam.

Propositio heretica, quatenus indicat Romanum Pontificem non fuisse semper caput Ecclesiæ: & simul calumniosa, quatenus indicat S. Bernardum aliosque multos hac in re fuisse deceptos, neque negotium hoc exactè discussisse.

Num. 7.

Impropriè quibusdam pro vno Pastore vnus ouilis, Petrus intruditur loco Christi.

Calu-

Calumniæ in autores quos citat, nemo enim Petrum intrudit, quem Christus suo loco constituit, neque Petrus eo gradu vnus Ecclesiæ Pastor, quo Christus.

Num. 8.

Cur igitur Petro soli seorsim ab alijs tamen coram alijs dicitur in particulari: *Pasce oues meas?* Iam itaque necesse est rursus, vt mysteria quæta-
mus.

*Vera confessio auctoris, qui ideo debet mysteria quære-
re, quia non vult sensum literalem Catholicorum recipe-
re. Mysteria autem quæ allegat, tantum abest, vt prima-
tui B. Petri repugnent, vt clarius eundem explicent, &
vicissim per eundem explicentur, vnde inanis illa eiusdem
conclusio infra. num. 13.*

C A P V T IX.

*Pensitatio phalerarum, quibus Petri Primatus
prætensus solet exornari.*

*Titulus scurrilis, in verbo phalerarum, ac simul hæ-
reticus, in verbo prætensus.*

Num. I.

Nam alijs (Apostolis) etiam Christus nomi-
na & cognomina mutauit, siue addidit.

*Propositio falsa: nam per Christum addita quidem
alijs cognomina, non tamen mutata nomina.*

Num. I.

*In hoc ergo, quod Petrus ætate, vocatione &
feruore*

feruore alios superauit , & proinde in familiaritatem singularem à Christo assumptus, eiq; propterea à cæteris honor magnus delatus fuerit, totum Petri Primatum ponimus & agnoscimus.

Repetitio hæresis in verbo , totum

Num. 5.

Et Augustinus in Psal. 108. nihil illustre promitti aut dari Petro admittit, nisi quod ad Ecclesiam totam referatur.

Abutitur his B. Augustini verbis frequentissimè autor : sensus enim est , quod promissio facta Petro , & dignitas ei collata, non sit merè personalis, quod est directè contrarium dōctrinæ autoris.

Num. 6.

Errabant ergo Apostoli, dum inter ipsos aliquem à Christo iam institutum putabāt, qui cæteris despoticè, & cum absoluto dominio præesset, huncq; Petrum esse, suspicabantur.

Malè exponit errorem Apostolorum , consistebat enim error , quod putarent regnum Christi temporale futurum.

Num. 7.

Sed sicut non solus Petrus fuit Ecclesiæ fundamentum, sed æquè omnes Apostoli, ita neque solus Petrus intelligi poterit Ecclesiæ Magister, & Gubernator, quāuis illius nauis singularis solus Petrus Dominus fuerit, Petro non dedit clauum, sed suum, vt cæteris Apostolis, remum.

Propo-

*Propositio heretica, quatenus negat solum Petrum
Gubernatorem supremum Ecclesiæ extitisse.*

Num. 8.

Non ad Petri exaltationem, sed depressionem
potius orationem illam Christi (ego pro te roga-
ui, &c.) pertinere.

*Propositio erronea, contraria sanctorum Patrum ex-
positioni, & in B. Petrum iniuriosa.*

Ibidem.

Neque Theophylactus adeo rudis censendus
est fuisse, ut nescierit in diuinis scripturis Petrum
solum non fuisse post Christum Ecclesiæ petram
& fundamentum.

*Censura imprudens, sentit enim Theophylactus in ver-
bis citatis, cum Catholicis omnibus, Petrum ita fuisse Ec-
clesiæ petram post Christum, ut alii non fuerint petra eo-
dem modo, imò nec petra in scriptura vocentur, nisi au-
thor fortasse ita sit eruditus, ut possit aliquem locum pro-
ferre:*

Num. 19.

Interdum ubi Chrysostomus orationem au-
ream suam exuberare permisit, plurimum incli-
nare videri potest in supremum Petri principa-
tum: oratoriè potius quam Theologicè, quod
singulariter fecit considerans hanc primam Pe-
tri actionem post Christi ascensionem. Sed ne
hic quidem adeò absolutè Chrysostomus Petrū
pronunciat Principem, quin simul ferè contraria

C

multa

multa interferat, vt facile liqueat pompam tantum & apparatus orationis adhiberi.

Familiare Authori effugium, qui maluit in Chrysostomo, Leone, Bernardo, alijsq; sanctis Patribus, testimonia de primatu B. Petri eleuare, tanquam parũ Theologica, non ausus dicere falsa, quam in eisdem primatum cum sanctis Patribus agnoscere.

Ibidem.

Alia quoque Chrysostomi verba ibidem posita consideremus. Meritò, inquit, primus omnium auctoritatem vsurpat in negotio, vt qui omnes habeat in manu. ad hunc enim dicit Christus: Confirma fratres tuos. Ecce iam rursus videtur sibi contrarius.

Audax & contumeliosa censura, neq; enim Chrysostomus sibi ipsi, sed M. Antonio contrarius est.

Ibidem.

Dum verba illa: Confirma fratres tuos, ad præsens negotium applicat Chrysostomus, Rhetoricè non repugno: Theologicè tamen obstat.

Ridiculum glossæ in quo Author vt Rhetor, Catholicus fit, & approbator Monarchiæ Ecclesiasticæ; vt Theologus verò, manet hæreticus.

Num. 21.

Qui omnium Pastor fuit à Domino institutus, ex omnib. nationibus cogere cœpit oues, docuit eos fidem simul.

Restri-

Restriccio fraudulenta, qua aliquoties hoc capite sanctorum Patrum, de primatu B. Petri testimonia conatur elidere, vt patet infra num. 16. vbi allegat verba S. Ambrosij, & cap. 10. num. 13.

Num. 25.

Quod verò Theodoretus dicat, à Petro voluisse Paulum instrui, videat quàm sit conforme hoc diuinæ scripturæ.

Inepta Theodoreti taxatio, repetita etiam num. seq. contra B. Hieronymum.

Num. 26.

Sed in epistolis solet Hieronymus sequi, præsertim iunior, sensus allegoricos, non sine literæ interdum læsione. Feruor enim disputationis & dissensionis scripturalis cum Augustino, super reprehensione Petro à Paulo facta, faciliè Hieronymum traxit, vt plurimum Petro tribueret, & ei Paulum submitteret.

Impudens censura in S. Hieronymum, præsertim in verbis illis: non sine litteræ læsione; cui similis altera, quam statim subdit, feruor enim & c.

Num. 27.

Totus profectò in eo est Paulus, vt fideles nullum sibi hominem, tanquam caput adscribant, sed omnes à quocunque Magistro fuerint edocti, solum Christum tanquam caput agnoscant.

Propositio erronea siquidem eatenus solum Corinthios compefcit Paulus, quatenus ipsi inter se schismata propter diuersos Pastores & capita excitabant.

C 2.

Ibidem.

Ibidem.

Ita Augustinus in nostri temporis *Petrianos*.

Inaudita detorsio verborum S. Augustini, & in omnes Catholicos iniuriosa; nemo enim Catholicus vnquã appellatus Petrianus, nisi à M. Antonio, qui videtur sperare à nomine suo Antonianos, Mali corui, Malum ouum.

Num. 28.

Hinc facilè mihi persuadeo illam propius accedere ad fabellam, quam ad sacram historiam.

Temeraria censura.

Ibidem.

Neque video Apostolos baptismo indiguissè, quos Dominus priuilegio singulari, etiam sine baptismo aquæ, spiritu suo egregiè emundaue-
rat.

Propositio temeraria communi Doctorum sententiæ & historiæ contraria.

Num. 29.

Si mitterentur à Christo immediatè, certè essent Episcopi, sicut etiam si mitterentur cum plena potestate Ecclesiastica ab habente auctoritatem, ad plebem proprium Episcopum non habentem.

Propositio erronea, impropria, & si secundum verborum proprietatem spectetur hæretica; nam si sola Christi missio facit Episcopos, etiam septuaginta duo discipuli fuissent à Christo missi Episcopi, quos concorditer Patres docent fuisse Presbyteros.

Num.

Num. 31.

Quid si sedes illa aut magis aut non minus dicenda sit sedes Pauli?

Magna authoris ignorantia, cum nemo unquam Romanum Pontificem B. Pauli successorem appellarit, sed Petri.

CAPV T X.

*Primatum Petri Patres asserentes producuntur,
& explicantur.*

Titulus falsus in verbo, explicatur: generatim enim circa hoc caput observandum, authorem ita commento suo indulgere, ut testimonia, quæ obstant, supposititia dicat, vel Patres tanquam dormitantes aut adulantes citet, aut cum honestissimè loquitur, Rhetoricè non Theologice scripsisse dicat, vel tandem quomodocunque detorqueat.

Num. 10.

Hæc tamen encomiastice dicta sunt ex solis verbis Evangelicis, non ex sententia, quam verba Evangelica contineant, eruta & amplificata.

Censuimus similem locum cap. 9. num. 19.

Ibidem.

Sed neque Damascenus est tantæ authoritatis,

tis, vt inter recentiores, aut dormitantes aut ad-
ulantes, non possit interdum reponi,

Propositio iniuriosa.

Num. 13.

Origenes etiam inter Apostolos perfectam
posuit æqualitatem.

Propositio falsa in verbo, perfectam.

Num. 14.

Non igitur mireris quod Chrysostomus Pe-
trum Ecclesiæ caput, & Pastorem dixerit, quia e-
nim primus Apostolorum erat, & quasi omnium
Procurator assumptus & institutus, & adeò dili-
gens ac sollicitus in Euāgelica prædicatione; hinc
solet à sanctis Ecclesiæ caput appellari.

*Propositio erronea, & quatenus negat verum Petri
primatum, heretica.*

C A P V T XI.

*Primatum inter Apostolos, & à diuina scri-
ptura, & à Patribus re-
probari.*

*Titulus hæreticus, & toto capite fastidiosa repetitio in-
eptiarum superiorum, cum maledicentia in Beatum Pe-
trum.*

Num. 2.

Sed medicina, quam huic discipulorum mor-
bo sem-

bo semper adhibet, est negatio absoluta cuiuscunque Principatus.

Propositio hæretica in verbo, cuiuscunque.

Num. 4.

In eo totus semper fuit Christus Dominus, ut in eorum mentibus imprimeret prælaturam Ecclesiasticam, ad quam eos vocauerat, totam in solo & nudo Ministerio & seruitute consistere.

Repetitio hæresis ex cap. 2. quam hic frequentius inculcat.

C A P V T XII.

Reipublicæ Ecclesiasticæ formam in terris non esse Monarchiam, sed potius Aristocratiam.

Titulus hæreticus, cuius assertionem num. 1. & sequentibus probat ex noua hæresi.

Num. 5.

Articuli Ioannis Hus, etsi aliquid simile contineant cum meis assertionibus, tamen non sunt legitimè damnati.

Propositio falsa & in Concilium Constantiense contumeliosa.

Item eodem.

Doctrina tamen in eis contenta, [nimirum in Ecclesia nō dari vnum caput supremum, & Monarcham præter Christum: Christum suam Ecclesiam per multos ministros, sine vno Monarcha morali, regere perfectè & gubernare,] est Doctrina, Catholica à sanctis Patribus hætenus egregiè explicata & confirmata.

Propositio, quoad singulas partes, hæretica.

Num. 6.

In hac Ecclesia militante querere & indagare, veram aliquam formam reipublicæ, est actum agere: procedimus enim semper ex falsa quadam suppositione; quæ suppositio sua plurimum nos turbat fallitate.

Propositio hæretica.

Ibidem.

Supponimus enim Christum ab Ecclesiæ suæ regimine absentem; & eo excluso quærimus, quæ forma maneat in Ecclesia.

Propositio falsa in verbo eo, excluso.

Num. 9.

Modo etiam tota multitudo concurrat actiue & executiue ad aliquem excommunicandum.

Propositio hæretica in verbo, actiue: Cui similis quæ statim sequitur:

Ean-

Eandem præterea multitudinem nonnihil potestatis habere interdum, circa peccatorum remissionem, ex Patribus, eodem libro.

Item eodem.

In vera sæculari Democratia, plebs nullam tribuit suis Rectoribus, quos ipsa elegit, & sibi præficit, potestatem.

Propositio erronea & principijs moralibus repugnans.

Item eodem.

Cum Apostolo docebo totam Ecclesiam esse columnam, & hanc Ecclesiam totam non esse in solis Episcopis & Presbyteris, neque Spiritum illum, quem Christus sui Vicarium relinquebat, in terris alligatum esse soli ordini Presbyterorum aut Episcoporum.

Propositio partim hæretica partim fraudulenta; indicat enim in definitionibus Conciliorum, plebem & habere votum decisivum, & Apostolum eodem detorquet.

Num. 12.

Illa omninò forma regiminis in Ecclesia erat optima futura, cæterisque præstantior, quam Christus instituisset, cum ea fuerit ferè Aristocratica, eam omninò alijs præstare in Ecclesiæ regimine necessariò est fatendum.

Ex falsa & hæretica hypothesis, infert falsum.

Ibidem.

Si quid incommodi habet Aristocratica, cui

Monarchia facilè possit obuiare, Ecclesiam Spiritu Christi instructam, propterea & in singulis Ecclesijs voluisse Monarchiam, & in se totam Aristocratiam, vt altera alterius vitia corrigeret.

Propositio hæretica & schismatica, quatenus asserit regimen vniuersalis Ecclesiæ esse Aristocraticum.

Num. 13.

Est quidem vnica tantum Ecclesia, non quidem collectione numerali, quia sic multæ sunt, sed fide, charitate, & sacramentis.

Enumeratio insufficiens, in qua omittitur, vnitas Pastoris.

Num. 20.

Hierarchiam & subordinationem inter Episcopos, ab ipsamet Ecclesia, solo iure humano Ecclesiastico ad vitandas cõfusiones esse introductam.

Propositio hæretica, si inter Episcopos etiam comprehendat Romanum, cui similis est, quæ sequitur in verbis, supra se alias sedes non haberent. Hæc enim subiūgit. Ecclesia primas sedes, quæ supra se alias sedes non haberent, feci plures sedes Patriarchales.

Num. 21.

Romanos verò Pontifices in partibus terræ occiduis tantum, & non in aliis, sed neque solos, hanc olim fecisse fidei propagationem facilè concesserim.

Propositio indicans maximam in authore ignorantiam hi-

am historiarum, cū Romanus Pontifex in Oriente & Meridie, seu Asia & Africa hæreses sapissimè damnarit, lapsos in hæresin reconciliarit, Patriarchas exautorarit.

Num. 22.

Supremum iudicium, & supremam decisionem fidei, penes concilia semper, approbante deinde tota Ecclesia, fuisse.

Propositio heretica in verbis illis, approbante deinde. Indicat enim decisiones Conciliorum esse incertas usque ad plebis approbationem, easq; infallibiles, etiamsi à Romano Pontifice non confirmentur.

Num. 41.

Apellatio ad plebem in iudiciis propriis Ecclesiasticis, potest interdum contingere, ut si quis tanquam hæreticus ab aliquo vel aliquibus Episcopis condemnaretur & excommunicaretur, posset is suam doctrinam hæreticam reputatam, iudicio totius Ecclesiæ supponere, iterum eorū iudicio pensitandum, & ab illa veritatis approbationem confirmationemque expectare.

Propositio heretica & schismatica, quæ ianuam aperit omnibus hæresibus.

Ibidem.

Leges Ecclesiasticæ cū non sint de rebus fidei fide credendis; sed de rebus agendis, ut de ieiunijs, de nouorum festorum institutione & similibus, à populi acceptance plurimū pendunt; si enim eas respuat populus, nō obligant.

Propo-

Propositio hæretica & schismatica, qua ianuam aperit omni rebellioni & inobedientia.

Ibidem.

Leges Ecclesiasticæ, si sint fidei definitiones, vltimum earum iudicium est penes totam Ecclesiam, & tunc tandem aliquid fide credendū est, quando tota Ecclesia consentit.

Propositio hæretica & schismatica, qua quilibet posset hæresim suam excusare ab hæresi.

Ibidem.

Accusatio Prælatorum, si sit de criminibus personalibus ciuilibus, ad Ecclesiam illa non spectabit, nisi ex humano priuilegio.

Propositio erronea, repugnans Ecclesiastica immunitati.

Ibidem.

Leges Ecclesiasticæ si sint de Ecclesiasticis, & præsertim de fide, potest iudicium earum ad totam Ecclesiam delabi, non ad effectum punitionis personæ, nisi per solam exclusionem à communione vniuersali, sed ad effectum damnationis doctrinæ.

Propositio hæretica, negans Ecclesiæ potestatem puniendi hæreticos pœnis temporalibus; & erronea circa enumerationem pœnarum Ecclesiasticarum.

Ibidem.

Vera excommunicatio vniuersalis, à tota Ecclesia

Ecclēsia vniuersali sit, quando omnes prorsus Ecclesiæ suam alicui negant communionem.

Inepta definitio excommunicationis; id enim quod author ponit, ad executionem excommunicationis pertinet.

Num. 42.

Deus spiritum suum toti Ecclesiæ promisit, non alligando ipsum certis personis, siue certo generi personarum, putà solis Presbyteris, aliisue Clericis ad ministeria Ecclesiastica deputatis.

Propositio heretica si loquatur de spiritu Dei, vt datur hominibus ad ordinarium Ecclesiæ regimen.

Ibidem.

Et consensus totius Ecclesiæ in aliquo articulo non minùs intelligitur in Laicis, quàm etiam in Presbyteris & Prælati.

Propositio heretica & schismatica, cui similis illa quæ sequitur: Sicut etiam Laici in Ecclesia imò ex Ecclesia, ipsiusque solidam & maiorem partem cōstituunt. Intendit enim author regimen Ecclesiæ non minùs esse penes Laicos, quàm Ecclesiæ Prælatos.

Num. 43.

In quolibet regno, Rex possit meritò in bono esse caput, id est, supremus Gubernator Ecclesiæ totius regni ipsius.

Propositio heretica & schismatica, inducens in Ecclesiarum regimen Laicum; præcipuè in vocibus: suprem⁹ Gubernator.

Ibidem

LIB. II.

Proœmium.

IN hoc proœmio post superbam recapitulationem hæresium superioris libri, num. 2. & 3. habitarū, mordaciter & calumniosè taxat Ecclesiam Romanam.

Num. 4.

Concordiam non multi antè ediderunt ij, qui Ltherū sunt secuti: in qua etsi tenacius adhuc suas aliquas videntur fouere opiniones; si tamen charitas illa, quæ patiens est, & benigna, & quæ nō quærit quæ sua sunt, illam Concordiam Lutheri benignè & patienter excepisset; egregiam, meo iudicio, nata fuisset occasionem negotium hoc tam turpis, & inueteratæ dissensionis ad pacem & veram concordiam reuocandi.

Temeraria & indigna laus Lutherana Concordia, qua hereticis fauendo, eosq; laudando, author se hereticum, & hæresis Lutheranae fautorem prodit.

C A P V T I.

Num. 3.

QVoscunq; igitur Apostoli, siue omnes, aut plures vniti; siue singuli eligebant, & ad Ecclesias regendas mittebant, ij proculdubio *parem* cum ipsis Apostolis potestatem accipiebant, si vim ipsam institutionis spectemus. Quicquid enim potestatis *ordinaria*, ad regimen Ecclesiæ necessariæ, ipsi accipissent, id totum in Episcopos ab se ordipatos trans mittebant.

Propo-

Repetitio hæreseos num. 3. commemorata.

Num. II.

Cum ipsius potestas nulla esset, quæ ad ipsum solum seorsum & separatim ab alijs Apostolis accepta spectaret, nullum etiam hoc pacto suum specialem potuit habere successorem.

Consequetia hæretica, ex antecedente hæretico illata.

Num. 12.

Alij etiam Episcopi, præter Romanum, Petri dicuntur successores.

Locutio impropria, & ad sensum Authoris hæretica; ad cuius probationem statim PP. pessimè detorquet, ac hæresim eandem repetit his verbis: Omnes ergo Episcopi idem sunt quod Petrus, & ei succedunt; & Petrus idem fuit, quod nunc omnes Episcopi.

Num. 13.

Episcopi dicuntur Apostolorum successores, quia in eorum officio, quod erat Apostolorum omnium cōmune, succedunt omnes omnibus in solidum.

Explicatio hæretica, quàm neq̃ ex scriptura ynquã, neq̃ ex Patribus Author probabit.

Num. 14.

Apostoli enim non erant singulares Episcopi ullius loci determinati.

Propositio falsa, indicans Authoris pertinaciam vel

D

igno-

ignorantiam: cùm constet ex Patribus & historijs, multos Apostolos certas sibi Episcopales sedes delegisse.

Num. 15.

Non negamus Petrum fuisse vniuersalem totius Ecclesiæ pastorem in habitu.

Propositio fraudulenta: quâ Author ita concedit Petro vniuersale regimen in habitu, vt negare possit eum id habuisse in actu.

Ibidem paulò post.

In hac potestate vniuersali, succedunt Episcopi, non modò vniuersi, sed etiam singuli.

Repetitio heresis.

Ibidem prope finem.

Nihil minus vniuersalem regit Ecclesiam in fide & Christiana institutione, successio Episcoporum, Corinthiorum, Philippenſium, Ephesinorum, Sardicensium, &c. à Paulo, à Ioanne, & reliquis; quàm successio Romanorum Pontificum à Petro.

Repetitio heresis.

Num. 16.

Vides omnes Episcopos omnibus in communi Apostolis, vnius magni nominis Romani Pontificis confessione succedere. (Et infra num. 17. sequenti) quantum Romani Episcopi Petro succedunt, tantum & nihil minus, Corinthij Paulo.

Propo-

Propositio in se quidem vera, hæreticè tamen & iniuriosè ab Authore detorta, ad probandam successionem in plenitudine potestatis, cuius B. Calestinus nec verbo meminit.

C A P V T II.

Num. 3.

Ordinis ego potestatem intelligo nunc ad conficiendam Eucharistiam, & sacrificij in cruce per Iesum Christum peracti memoriam celebrandam.

Meminisse debebat Author, quod in questione sua non quesiverit præcise, quando Apostoli facti fuerint Sacerdotes, sed quando facti fuerint Episcopi, adeoque dum non explicat ea, quæ sunt Ordinis Episcopalis, vel non respondet ad quesitum suum, vel nullum agnoscit discrimen quoad Ordinem inter Episcopos & Sacerdotes; quod est hæreticum, & videtur ad mentem Authoris, dum statim concludit num. eodem: Atque ex hac utraque potestate, completur plenè totus & integer ordo Episcopalis.

Num. 4.

Sunt in Apostolis vnum & idem essentialiter, Apostolatus & Episcopatus.

Propositio hæretica.

Num. 5.

Vanissimus redditur totus conatus Ioannis de Turrecremata.

*Propositio vana & superba ; cum M. Antonius in r
gravi nullos citet Authores: Ture cremata; multos.*

Ibidem.

Totius huius vanitatis fundamentum fuit
dictum quoddam ficti illius Anacleti.

Propositio erronea & contumeliosa.

Num. 9.

Areopagita totam Matthiæ electionem, in di-
uinam solam confert vocationem.

Propositio falsa & erronea in vocula, solam.

Num. 10.

Rudis tamen est, qui non intelligit ordinatio-
nem hic ab Hieronymo vocari, compositionem
illam, qua de communi consensu, datis dextris,
curam potissimam conuertendarum Gentium
assumpsit Paulus cum Barnaba, relicta Petro, Ia-
cobo, & Ioanni circumcisione.

Expositio erronea & censura rudis.

Ibidem.

Veram tamen ordinationem in ea segregatio-
ne non agnoscit, scilicet Leo.

Contrarium patet ex ipso Leone, epist. 79.

Num. 11.

Errant profectò toto cælo, quicumq; Paulum
& Barnabam verè & propriè ordinatos etiam in
Episcopos, tunc putant.

Cen-

Censura temeraria.

Ibidem.

Quid verò facit Episcopū magis quàm missio?

Reperitio hæresis.

Num. 49.

Adde reliquam totam antiquitatem sic sentientem.

Propositio vana & falsa, iactat enim consensum antiquitatis, sed non probat.

Ibidem.

Considera neque virginitatem in vlllo tunc precio fuisse.

Propositio stupida & insulsa: Erat enim etiam tunc virginitas in tanto precio apud Deum, vt de virgine nasci voluerit.

C A P V T III.

Num. 30.

ESe verò munera Episcopalia, & Presbyteralia, excepta ordinatione ministrorum, omnia communia, etiam vidimus asseruitque Hieronymus.

Statim indicat, non esse absolute verum quod dixit: excepta ordinatione, his verbis, eodem in fine: Additur verò præterea Episcopis potestas quedam externæ iurisdictionis Ecclesiasticæ.

Num. 50.

Ita Bellarminus. Sed non satisfacit hæc responsio, neque stare potest.

Expositionem Bellarmini malè intelligit, pessimè censet & impugnatur.

Num. 54.

Nec in hoc Concilio illi Prouinciali assentiendum, quia iure diuino solis Apostolis, Apostolorumque proprijs successoribus, ministrorum ordinatio conceditur.

Magnus maledicendi amor in Authore, cum Concilium non neget Episcopis solis iure diuino competere consecrationes sacerdotum.

CAPVTV. IV.

Num. 3.

Multa sanè & ea grauissima testimonia habemus in Ecclesia Catholica, quæ in sacris Ecclesiasticis ordinibus veram sacramenti propriè dicti rationem non agnoscunt.

Propositio hæretica generalibus Concilijs contraria, & SS. Patrum sequentibus testimonijs nullo modo probata.

Num. 5.

Comparatio verò illa Episcopi indigni indignè ordinati, cum Chore, Dathan & Abiron, qui

qui fuerunt meri usurpatores sacerdotalis officij & nequaquam sacerdotes, nonne satis ostendit Cyprianum in ordine opus operatum non agnouisse?

Cypriani violenter detorta expositio.

Eodem in fine.

Separabilis ergo est & honor seu dignitas Episcopalis, quoad exercitium; & ipsa met potestas quoad ordinem, ab Episcopo etiam legitime ordinato, si fecerit schisma, & vinculum abruptum charitatis; nec potestatem, inquit, potest habere, nec honorem; non dicit exercere. Vbinam igitur ordinis character indelebilis?

Consequentia planè hæretica ex Cypriano male detorta.

Num. 6.

Sed Dionysius etiam Arcopagita nihil arbitratus est efficere ordinationem in homine illiterato, & ad docendum inepto.

Propositio in S. Dionysium iniuriosa, sicut & sequens eodem num. 6. Ordo igitur, ex Dionysio per modum Sacramenti neque confertur, neque operatur.

Ibidem.

Et hominis inscitia atq; inhabilitas ad docendum, & ad propugnandam fidem, reddit ipsum, si Dionysium sequamur, sacri ordinis incapax: ut perinde sit hominem illiteratum, hoc est, in sacra

scriptura, ac necessaria Theologia imperitum, in Episcopum consecrare; atque si quis tentaret; non dicam brutum aliquod, & stolidum animal, sed mulierem, in Episcopali Cathedra collocare.

Bruta & stolidi comparatio, qua subiectum ordinum sacrorum capax, cum non subiecto comparatur.

Eodem prope finem.

Ita Episcopus sine doctrina sacra, & habilitate ad docendum, Episcopus est duntaxat æqui-uocè.

Propositio redolens haresim Hussitarum.

Num. 7.

Hieronymum habemus ad stipulatorem; qui promotos ad sacerdotia modis illegitimis, nequaquam censuit esse verè ordinatos.

Propositio in S. Hieronymum iniuriosa, & ex verbis illius falsò collecta.

Ibidem post medium.

Gelasius significat Eucharistiam à malo inuàlidè, & non tantum indignè consecrari.

Propositio falsa & iniuriosa in Gelasium.

Ibidem paulò ante finem.

Planum est Ordinationem non esse Sacramentum, quia effectum non semper habet.

Reperitio precedentis haresis.

Eodem

Eodem in fine.

Itaque Leo promotos contra Canones, ordinem censuit non suscipere; non est igitur sacramentum.

Propositio falsa & iniuriosa in Leonem.

Num. 8.

Gregorius Simoniacè ordinatos nihil recipere docuit.

Falsa & calumniosa propositio in S. Gregorium. Similes effutit in Sanctos Patres permultos, à se num. 8. 9. 12. 13. 14. 15. 16. allegatos.

Num. 10.

Ioannes ergo Hus, &c.

Hoc & sequenti numero Hussitarum & VViclefistarum hæresin de Sacramento Ordinis propugnat, defendit, & vt sectarius eiusdem instruit.

Num. 13.

Ex qua Innocentij disputatione adhuc magis liquet, ipsum ordinationes sacras inter vera Sacramenta censuisse non esse numerandas.

Consequentia ex verbis Innocentij malè collecta.

Num. 16.

Vult igitur Chrysostomus etiam non ordinatos à Deo, & malos, ac indignos, validè baptismum conferre, Eucharistiam conficere,

D 5

bona

ma

bona docere, ac alia ministeria peragere. Quod tamen spectat ad ordinationem internam, eam à solo Deo peragi, & non omnes qui ab hominibus ordinantur externè, etiam à Deo ordinari internè apertè testatur.

S. Chrysostomum ad nouam quandam internam à se confictam, solius Dei ordinationem iniuriosè, trahit.

Num. 17.

Si in diuina scriptura clarè & manifestè, conceptis verbis, non mysticis neq; allegoricis, sed literalibus, & historicis, alicuius Sacramenti ab ipso Christo immediatè, ipsiusmet ore, institutio expressa non habeatur, Magnæ temeritatis mihi videtur arguendus is, qui Sacramenta multiplicet absq; vlla clara diuina institutione.

Propositio fraudulenta ad traditiones aliaq; principia, atque inde dependentia fidei dogmata euertenda ianuam aperiens.

Eodem circa medium.

De Ordine verò nihil prorsus habemus, quò ipsius institutio ad modum Sacramenti, appareat.

Propositio hæretica & scandalosa Hierarchiæ Ecclesiasticæ iniuriosa.

Et paulò infra.

Nihil tamen ad hoc sensibile præter verba assumpsit, aut præcepit.

Propo-

Propositio heretica, traditionibus & concilijs repugnans.

Num. 20.

Ordinationem porro sacram, modo sacramentali non peragi, inde præterea satis confirmatur, quod Deus peculiarem sibi reservauit concursum, ad legitimum ministrum Ecclesiasticum instituendum, sine quo minister legitimus non sit: quem tamen ipsius specialem concursum noluit vlli Sacramento obligare.

Affertio heretica in verbis: modo sacramentali non peragi. in reliquis temeraria & insipida, spiritum illum familiarem Nouantium hereticorum redolens.

Num. 23.

Quid quod non modo delebilem & amissibilem, vt iam ostendimus, reperimus sacrum ordinem, sed etiam iterabilem, num propterea erit Sacramentum imprimens characterem?

Sacrum Ordinem iterabilem esse M. Antonius asserit, sed non probat.

Num. 24.

Illud quoque non parum conuincit ordinem non esse sacramentum, quia inextricabiles, & insolubiles emergunt difficultates, si & ordo ponatur verum Sacramentum, &

Episco-

Episcopatus ac Presbyteratus duo diuersi ordines esse asserantur, alter superior, alter inferior.

Hæc ratio, qua probare conatur, Ordinem non esse Sacramentum, vana est.

Num. 26.

Non est ergo Ordo verum sacramentum, sed mera ad ministerium deputatio, sine istis characteribus, & impressionibus.

Propositio hæretica, qua se hæreticorum huius temporis sectarium profitetur.

Num. 28.

Est ergo Ecclesiastica tantum institutio, non Diuina, vt prius quis Presbyter sit, quam Episcopus.

Propositio erronea.

Num. 30.

Impositio tamen hæc manuum, non potest dici esse cæremonia à Christo instituta, vt in ea consistat ordinis Sacramentum.

Propositio & eiusdem explicatio temeraria.

Num. 31.

Calicis verò & patenæ, ac librorum, aliorumve instrumentorum traditio, est merum Ecclesiasticum inuentum, quod nullo pacto pro materiali talis Sacramenti possit assumi, aut affirmari.

Propo-

Propositio hæretica, Florentino Concilio contraria.

Num. 33.

Quia maximam habet cum vero Sacramento ordinatio similitudinem, licet verum Sacramentum non sit, idcirco Augustinus toties eam Sacramentum vocat.

Expositio S. Augustini, Augustino ab eodem autore num. 4. citato contraria, ubi dicit autorem fatente, Ordinationem eodem modo, ut Baptismus, esse Sacramentum.

Eodem post pauca.

Nam si de vero & maximè proprio Sacramento sit sermo, idem Augustinus duo tantum agnoscit Sacramenta.

Affertio falsa, & in S. Augustinum impudenter calumniosa, hic, & infra nu. 41.

Num. 37.

Concilium igitur Nicænum & Alexandrinum, Melchiades, Hieronymus & Augustinus, non admittunt indifferenter quoscunque à quibuscunque hæreticis ordinatos.

Limitatio falsa, & sine fundamento excogitata ad hæresin suam stabiliendam, & Patres sibi conciliandos & adscribendos.

Num. 41. in fine.

Concilia, Florentinum & Tridentinum, aut
reue-

reuerenter glossanda sunt de sacramentis in latiori significatione sumptis, aut si glossari recusant, opponetur eis ritè & legitimè, iuxta antiquos Canones, non esse celebrata: neque fuisse verè, & propriè generalia, neque ea fuisse à tota Ecclesia Christi acceptata & approbata: & fortasse ea in multis esse ex Diametro alijs antiquissimis, ac sacrosanctis in tota Ecclesia receptis Concilijs contraria, eorumque destructiua.

Grauis calumnia, & temerarium iudicium Archiepiscopi, qui in sui creatione & alias Conciliorum Oecumenicorum & imprimis Tridentini receptionem iurate promisit.

Num. 44. prope finem.

Ex benignitate tamen Dei, non ex efficacia sacramenti, non dubito ordinatis benè dispositis, in ipso actu ordinationis, cū potestate ordinis gratiā etiam accedere ipsum dignè exercēdi.

Propositio haeretica.

Num. 45.

Veros sanè ac proprios Ecclesiæ Rectores, Christi que ministros, in regenda & gubernanda Ecclesia, esse solos Episcopos & Presbyteros, & nullum alium ordinem à Christo, prater hunc fuisse institutum, iam fecimus euidentis & manifestum.

Aassertio temeraria & communi Scholasticorum sententia repugnans.

Num.

Num. 53.

Itaque primam ego Diaconorum institutionem non dubito fuisse ad hoc tantum, ut solas mensas communes curarent, ac temporalium rerum gererent administrationem.

Affertio temeraria, ijs, quæ act. 6. de Diaconorum institutione scribuntur & à Patribus traduntur, non satis consentanea.

Num. 59.

Subdiaconatus, qui neque forsitan Apostolis fuit cognitus, sed longè post ab Ecclesia, ut merum officium externum, institutus.

Propositio falsa & temeraria, infrà n. 61. repetita, Ignatio alijsq; SS. Patribus, infrà nu. 63. ab ipso authore citatis contraria.

Num. 63.

Varietas magna in numerandis his officijs: (Ordinum minorum) arguit eos ordines non esse. *Iudicium temerarium.*

C A P V T V.

Episcopos suam totam potestatem Episcopalem iure diuino habere in Ecclesia.

Titulus hæreticus hæresi frequenter suprà improbata inscriptus.

Num. 16.

Non ergo Episcopi facti ab Apostolis indigebant Petri confirmatione: ac proinde Episcopi
etiam

etiam accipiunt omnes, vt Apostolorum omnium successores, eandem plenam mittendi potestatem, cum tota etiam Iurisdictione.

Affertio planè hæretica, suprà frequenter improbatæ.

Et post pauca.

Patres citati ac præsertim Cyprianus, dum facit Episcopos immediatè Deo soli subiectos, non solùm in actibus ordinis, sed etiam iurisdictionis eos facit subiectos.

Affertio iterum in Cyprianum aliosq; Patres iniuriosa.

Eodem in fine.

Neque indicium vllum est in tota scripturâ, vnde colligamus, hanc separationem potestatis iurisdictionis, à potestate ordinis, & vnâ tradi immediatè à Deo, alteram non nisi mediante Papa. Quare & solus ordo dat omnem prorsus potestatem, quæcunque Ministro Ecclesiastico, pro regimine Ecclesiæ est necessaria. Quia in Ecclesia non est vlla vera, & propria iurdictio externa: ex qua sola in Domino Papa immanem illam potius omnipotentiam, quàm potestatem, nostri collocant Doctores Neoterici.

Propositio, quoad primam partem, falsa: quoad secundam & tertiam partes hæretica, quoad postremam in Doctores Catholicos iniuriosa.

Num. 18.

Sed hæ omnes sunt vanæ subtilitates, nullum

lum in scriptura habentes fundamentum, quæ & Monarchiam hanc respuit in Ecclesia, & ordinationem Ministri, internam à Deo immediatè totam, & integram fieri docet: & separationem potestatis iurisdictionis à potestate ordinis, non patitur illam sanè ridiculam, vt alteram Deus immediatè conferat, alteram homo, in vna & eadem actione.

Scriptura Monarchiam non respuit: neque ordinationem internam totam à Deo fieri docet, discrimen potestatum agnoscit: adeoque propositio M. Antonij hæc hæretica est & maledica.

Num. 21.

Quando verò auferitur tota iurdictio indigno, per depositionem, & ab habente auctoritatem, siue sit Papa, siue Metropolitanus, siue Synodus, tunc respondeo etiam ordinem auferri.

Propositio plus quàm falsa, & hæretica.

Num. 27.

Episcopi verò non nisi in partem sollicitudinis sint vocati, meri adiutores Papæ, & consequenter non nisi eius Vicarij & administri.

Malè explicat M. Antonius illud: vocati in partem sollicitudinis.

Num 42. & vlt.

Fulmina ipsius ne &c.

Conclusio contumeliosa & seditiosa præfationi libri huius simillima.

CAPVT VI.

Episcopos omnes aequè Vicarios esse Christi, & in potestate Ecclesiastica inter se iure diuino prorsus aequales.

Titulus omninò hereticus, quem congestis Patrum testimonijs, suaq³ expositione detortis aut deprauatis non probat.

Num. 3.

Ex institutione Episcoporum, ex successione Apostolica, ex potestatis paritate, omnes simul Episcopi in solidum, etiam cum Papa, sunt Vicarius ille Christi generalis, singuli verò sunt, æquè etiam cum Papa, Vicarij Christi, in particularibus suis Ecclesijs speciales.

Heretica propositio: omnes enim sunt Vicarij, sed non aequè cum plenitudine potestatis vt Papa.

Num. 13.

Duo, inquit, erant Episcopi eminentissimarum Ecclesiarum: eminentissimam Romanam Ecclesiam vocat, sed eminentissimam etiam Carthaginensem: vtraque eminentissima, ergo pares.

Ridicula & inepta argumentatio.

Num. 16.

Sed dicat mihi noster hic Deus ridiculus, seu Vice-

Vice-Deus, si nemo præter ipsum potest Episcopum ab vna Ecclesia ad aliam transferre.

Propositio contumeliosa in Romanum Pontificem, cui M. Antonius immerito irascitur, quod Innocentius Tertius se nominauerit Dei Vicarium, & dixerit se non tanquam hominem, sed tanquam Deum Episcopos transferre posse: quia reuera Innocentius & quilibet Romanus Pontifex Christi Dei in terris Vicarius est, & auctoritate supernaturali, adeoq³ diuina participata, munus sibi creditum exercet. Glossæ quoque, quod Papam alibi Deum vocat, facile ignouisset, si diligenter legisset scripturam, quæ non solum Moſen, sed quoslibet Iudices, Prophetas &c. Deos nominat, abstinuissetq³ à calumnijs, quas scurrili quadam licentia hic in primis, totiusq³ tractatus sui decursu, passim in Romanos Pontifices effundit.

C A P V T VII.

*Episcoporum potestatem certis locis Diuino iure
non esse arctatam.*

Titulus hereticus in sensu M. Antonij, qui hoc capite conatur astruere, omnes Episcopos iure diuino parem & plenam potestatem in totam Ecclesiam habere, idq³ exemplis omninò impertinentibus confirmare pratendit.

Num. 2.

Cùm autem negare tales Ministros (népe qui
E 2 possint

possint in regiones , in quibus vel nunquam prædicatum, vel extinctum fuit Euangelium excurrere) Ecclesiæ post Apostolos, sit absurdum, necessariò Episcopalem ordinem de se potestatem excurrendi habere est dicendum.

Consequentia hæretica, malè ex antecedente illata. Nam ad hoc vt tales sint ministri , sufficit quod possint habere potestatem illam à Papa, cui totius orbis cura commissa est.

Num. 4.

In sacerdotio Dei nullam ait esse diuersitatem, hoc est, ordinem sacerdotalem nimirum Episcopalem, quatenus est à Deo, non admittere has diuersitates , vt vnus Episcopus non nisi in certis locis ministret.

Mala expositio verborum Epiphani.

Num. 26.

Hos itaque Episcopos ego, ne ordinem quidem Episcopalem vllum accipere arbitror: quia ordo Episcopalis intrinsecè dicit officium, opus & ministerium.

Propositio hæretica in Husitis & VViclesitis damnata.

C A P V T VIII.

Num. 1.

HAnc itaque potestatem actu ipso in Ecclesia per multa sæcula; etiam in nouis creandis Episcopis , à priuatis etiam Episcopis , sed potissi-

potissimum à Metropolitanis exercitam fuisse, hoc capite suscipio confirmandum.

Assertio quam suscipit confirmandam falsa est, nec eam solidè confirmat.

Num. 3.

In Poloniam prima Euangelij prædicatio inducta est per Adalbertum Pragæ Episcopum, qui sua propria Episcopali auctoritate, non quidem misit alios, sed ipsemet profectus est, ibique nouam Christo Ecclesiam peperit.

Propositio falsa.

Num. 5.

Si verò voluit *Adrianus* prædicationem hanc nemini licere, sine ipsius consensu & facultate, rem dixit intolerabilem, cui aduersatur Euangelium, aduersatur & Ecclesiæ praxis vniuersalis: & tot exempla quæ produxi.

Imò Adrianus rem dixit veram, cui nec Euangelium nec Ecclesiæ praxis nec exempla producta aduersantur.

Num. 13.

Nunc verò dico Romanam Ecclesiam, & post pauca. extra ius diuinum habuisse, vt semper reputata sit Ecclesia principalis: *ibidem post nonnulla*: neque Augustinus, neque vllus ex antiquioribus Patribus, summam Ecclesiasticarum rerum, in Romana Cathedra posuerunt. Erat ergo & est Ecclesia præcipua, nobilitate, estimatione, nominis & dignitatis auctoritate, non regiminis & iurisdictionis Principatu.

Propositio, in verbis: extra ius diuinum, & non regiminis & iurisdictionis Principatu haretica; In verbis autem: neque Augustinus, mendax.

Num. 15. finali.

Habuit id muneris Romanus Pontifex primum iure diuino, non vt Romanus Pontifex, sed simpliciter vt Episcopus: & ideo solus id muneris non habuit, sed æquè Episcopi etiam alij, vt vidimus, munus hoc exercuerunt. Deinde habuit id potissimum iure etiam Ecclesiastico, tanquam Patriarcha primus & maximus inter cæteros, solusque in toto Occidente: non quidem vt ipse solus, sed vt ipse præcipuè hoc munere fungeretur..

Assertio partim orthodoxa fidei, partim historica veritati contraria.

C A P V T IX.

Num. 1. in principio.

Ita quidem posuimus ordinem Presbyteralem ab Episcopali diuersum, vt tamen in essentialibus, quæ spectant ad Ecclesiastica ministeria erga fideles populos exercenda, Presbyteri Episcopis sint penitus æquales.

Propositio fidei Catholicae repugnans.

Num. 3.

Quia nimirum hæc omnia (inter quæ est Chrisma conficere) ex vi ordinis licebāt Presbyteris.

Pro-

Propositio falsa.

Num. 5.

Presbyteros iure diuino non minorem habere in pascendo populo Dei potestatem, quam nos habeamus. Et si quam iurisdictionem amplio- rem externam, & non propriè Ecclesiasticam in illos exercemus, illam non ex nostra propria, sed ex delegata à Principibus laicis potestate exercemus.

Propositio vtraque parte heretica.

Num. 7.

Inanis & puerilis est distinctio moderna inter Canonicos sæculares & regulares, &c. cum tam regulares, quam irregulares, qui nunc sunt, sint verè irregulares, & à Canonici vera significatione alienissimi. Et paulò post: Ij verò qui Canonicos se vocant regulares, cū à subiectione & obedientia Episcopi se subtraxerint, & potius cum schismate Ecclesiam contra Ecclesiam erigant, & publicæ Ecclesiæ loci in quo degunt nihil ex sua institutione inseruiant, neque Canonici erunt, neque regulares.

Irregularis censura M. Antonij.

Num. 9.

Ita Presbyteri Parochi, iure similiter diuino, totam Presbyteralem accipiunt potestatem, non modò pro tota diœcesi, siue Ecclesia, in qua sunt Presbyteri Canonici ordinati, sed etiam pro tota Ecclesia vniuersali.

Heretica propositiois suprà num. 1. improbatæ ampliatio.

E 4

Num.

Num. 12.

Tantum igitur abest vt Clerus Romanus sua sede vacante, curam gesserit aliarum Ecclesiarum, præsertim Africanarum, quod contendit Baronius, vt etiam ipsemet rectus, aut saltem directus fuerit à Cypriano.

Propositio falsa, historica veritatis ignorantiam in auctore manifestans.

CAP V T X.

Sacros Ministros ad cœlibatum iure non teneri.

Tituli Inscriptio hæretica, traditionibus Apostolicis & Oecumenicis Concilijs contraria, quam M. Antonius hoc capite Decretorum, Conciliorum, SS. Patrum & Historiarum auctoritatibus mala expositione detortis probare nititur, sed non probat.

Num. 16.

Ideo quæ sexta Synodus, hoc est, Patres Trulani, vxores permittunt Presbyteris.

Propositio falsa, sexta enim Synodus nullos Canones constituit. In Trullo celebrata Synodus, illegitima est, quantumcunque fremat contra M. Antonius infra nu. 59. & sequentibus.

Num. 19.

Siricius igitur, si quid in hoc genere statuerit, meritò primus ponendus est, qui hanc Clericorum omnimodam continentiam in toto Occidente seruandam curarit.

Propositio falsa.

Num.

Num. 20.

Hic profectò Canon nihil plus quàm Siricius sanxit, aut præcepit: vt illi tres gradus continentes sint in omnibus.

Detorta expositio.

Num. 23.

Concilij Agathensis Canon nonus mihi primus esse videtur, quo absoluta & perpetua continentia Presbyteris & Diaconis coniugatis, indicitur.

Propositio auctoris ignorantiam ostendens.

Num. 49. in fine.

Laqueum igitur ponunt leges omnes Ecclesiasticæ, omnes conatus, ac violentiæ, quibus Clerus adigitur ad cælibatum.

Propositio falsa & scandalosa, Ordinis Ecclesiastici perturbatiua.

Num. 50.

Sanctiones, vt dixi, Ecclesiasticæ, nullæ in Oriente datæ, coniugij opus vetant, clericis coniugatis: nonnullæ protegent & defendunt.

Propositio falsa Concilijs & historiæ repugnans.

Num. 54. in fine.

Plurimum falluntur, qui in tertio Nicæno Canone cælibatum stabiliri putant; nam per subintroducendam mulierem, vxor nullo modo potest intelligi.

E 5

Violen-

Violenta expositio Niceni Canonis tertij.

Num. 70.

Dico alios etiam Episcopos, suo usus fuisse matrimonio, citra errorem ullum, ullamue reprehensionem.

Propositio falsa autoritate Concilij Niceni malè probata.

Eodem post pauca.

Et quamvis postea Episcopi inducta consuetudine, ut si coniugati essent in sui promotione, cessarent in posterum ab opere nuptiarum, id tamen non faciebant ex religione, aut cautione; quasi putarent id eis iam minimè licere; sed ex deuotione, & perfectioris cuiusdā puritatis amore. *Et post pauca ibidem:* Hanc tamen deuotionem, nō omnes Presbyteri, qui sunt multò plures, sunt amplexi; sed soli, qui liberè voluerunt. Et ita Presbyteris liberum mansit, ut qui possent capere, caperent.

Hac assertio in verbis; id tamen non faciebant, &c. *falsa est: in illis autē verbis Presbyteris liberum mansit, hæretica.*

Num. 71.

Dico legibus quidē & statutis multis expressis, Occidentales Ecclesias, coniugatorum sacrorum ministrorum continentiam perpetuam ab vxoribus præcepisse; & in hoc plurimum eas differre ab Orientalibus; quæ id neq; vnquam præceperunt, neque præcipi posse, aut debere censuerunt; sed præcepta huiusmodi, ut iniqua, & mala damnarunt.

Assertio

Affertio falsa in verbis: neque vnquam præceperunt, & subsequentibus.

Num. 88.

Si verò ex alia parte vellemus rationes congerere, ad Clericorum coniugia cōfirmanda; & incommoda recensere atque exaggerare, quæ lex cœlibatus & continentiae secum fert, non pauciores, sed multò fortasse plures exurgeret probabilitates, legem hanc non esse proficuum, sed omninò abrogandam.

Propositio temeraria & scandalosa.

C A P V T XI.

Votum continentiae non esse annexum sacro ordini; neque vllò tali voto dirimi Matrimonium.

Titul^{us} hereticus decretis Pontificum & Canonibus Conciliorum repugnans, quem M. Antonius malè allegatis & tortis auctoritatibus Constitutionum Pontificiarum, Conciliorum & Patrum, malè probat.

Num. 1.

Doctrinam quandam priscis temporibus inauditam, & eam quidem falsissimam, simulque valde Ecclesiae perniciosam, & animas plurimas in barathrum aeternae damnationis crudelissimè præcipitantè, pròpserunt & euulgarunt: nimirum
 sacros

Violenta expositio Niceni Canonis tertij.

Num. 70.

Dico alios etiam Episcopos, suo vſos fuiſſe matrimonio, citra errorem vllum, vllamue reprehensionem.

Propoſitio falſa autoritate Concilij Niceni malè probata.

Eodem poſt pauca.

Et quamuis poſtea Epiſcopi inducta conſuetudine, vt ſi coniugati eſſent in ſui promotione, ceſſarent in poſterum ab opere nuptiarum, id tamen non faciebant ex religione, aut cautione; quaſi putarent id eis iã minimè licere; ſed ex deuotione, & perfectioris cuiuſdã puritatis amore. *Et poſt pauca ibidem:* Hanc tamen deuotionem, nō omnes Preſbyteri, qui ſunt multò plures, ſunt amplexi; ſed ſoli, qui liberè voluerunt. Et ita Preſbyteris liberum manſit, vt qui poſſent capere, caperent.

Hæc aſſertio in verbis; id tamen non faciebant, &c. *falſa eſt: in illis autē verbis* Preſbyteris liberum manſit, *hæretica.*

Num. 71.

Dico legibus quidē & ſtatutis multis expreſſis, Occidētales Eccleſias, coniugatorum ſacrorum miniſtrorum continentiam perpetuam ab vxoribus præcepiſſe; & in hoc plurimum eas diſſerre ab Orientalibus; quæ id neq; vnquam præceperunt, neque præcipi poſſe, aut debere cenſuerunt; ſed præcepta huiuſmodi, vt iniqua, & mala damnarunt.

Aſſertio

Affertio falsa in verbis: neque unquam præceperunt, & subsequentibus.

Num. 88.

Si verò ex alia parte vellemus rationes congerere, ad Clericorum coniugia cōfirmanda; & incommoda recensere atque exaggerare, quæ lex cœlibatus & continentiae secum fert, non pauciores, sed multò fortasse plures exurgerēt probabilitates, legem hanc non esse proficuum, sed omninò abrogandam.

Propositio temeraria & scandalosa.

C A P V T XI.

Votum continentiae non esse annexum sacro ordini; neque vllò tali voto dirimi Matrimonium.

Titulus hereticus decretis Pontificum & Canonibus Conciliorum repugnans, quem M. Antonius malè allegatis & tortis auctoritatibus Constitutionum Pontificiarum, Conciliorum & Patrum, malè probat.

Num. I.

Doctrinam quandam priscis temporibus inauditam, & eam quidem falsissimam, simulque valde Ecclesiae perniciosam, & animas plurimas in barathrum aeternae damnationis crudelissimè præcipitantè, pròferunt & euulgarunt: nimirum
sacros

facros ordines saltem in Occidente, adnexum habere votum solemne continentiae.

Affertio falsa, temeraria, & scandalosa.

Num. 8.

Neque in tota antiquitate est reperire vllum aut Conciliorum aut Patrum dictum, quo matrimonia hæc (post votum solemne sacrorum ordinum) irrita & nulla declarentur.

Propositio falsa.

Num. 9.

Probo vota quæcunque solennia castitatis, etiam monastica, non abrumpere coniugia, quæ post ipsa vota copulentur.

Propositio hæretica.

Num. 10.

Et suo modo etiam illæ ordinabantur; & Diaconissæ etiam vocabantur. Quarum votum castitatis eiusdem prorsus naturæ & obligationis erat, cum voto castitatis Clericorum.

Somnia M. Antonij.

Num. 40. in fine.

Igitur cœlibatus à libera Clericorum pender voluntate, & electione: etsi post ordines sacros quis contrahat matrimonium, id firmum erit & legitimum.

Propositio hæretica, traditioni Apostolica, auctoritati & legibus Ecclesiæ derogans.

Num.

Num. 55. fin.

Qui verò de continentia vera & perfecta seruanda diffidunt, eamque capere non possunt, clam, & prudenter, ad persecutiones superiorum euitandas, vxores ducant; ijsque cum sancta benedictione vtantur, potius quam sordescant. *Et postea in fine eodem:* Vestrum igitur est fratres charissimi, vt rursus veris nuptiarum fœderibus & animæ saluti prospiciatis, & nominum infamiam re ipsa, saltem coram Deo aboleatis, verasque vxores potius habeatis, quam tot peccatis, & sacrilegijs animas vestras, vestrarumque infelicium fœminarum, ad æternam damnationem inoneretis.

Consilium impium, scandalosum, perniciosum, quo M. Antonius seipsum de incontinentia suspectum facit.

CAPVT XII.

Num. 15.

NON exuit tamen hominem sua libertate, vt si nolit Clericale in ordinem retinere, non fiat plenè (quoad forum externum) sui iuris, & cum cõmuni hominum multitudine humana, & naturali plenè non potiatur libertate. Multò minus Monachalis professio, poterit hominem sua naturali exuere libertate.

Propositio hæretica in verbo: Monachalis professio, si per eam intelligat professionē religionis approbata.

Num.

Num. 17.

Coram Deo votum simplex & votum solenne vnicum essentialiter est eiusdem prorsus valoris, eiusdemque obligationis.

Propositio erronea in verbis: eiusdem valoris, eiusdemque obligationis.

Num. 38. in fine.

Si igitur (Monachus legitimè professus) duxerit uxorem, Augustinus & cum eo sancti Patres, omnes penè ad vnum, qui aliquid de hac rescripserunt, vt vidimus, nuptias legitimas agnouerunt.

Propositio falsa, & in sanctos Patres calumniosa.

Num. 43.

Secundo solennitates hasce (voti scilicet) impedire quidem ac vetare, ne matrimonium contrahatur; contractum tamen post illas, ex eis nõ dirimi, sed esse ratum firmum, & validum, tam in Monacho, quàm in Moniali; sicut post votum simplex.

Affertio hæretica.

Num. 44.

Ego tamen dico coram Deo, non plus esse Apostatam à Monachatu illum, qui post solennem professionem, quàm qui ante illam, fit iniustus desertor propositi, & instituti iam arrepti, si id non tantum animo probandi, sed animo amplectendi, & perseverandi arripuerit.

Affertio falsa.

Num.

Num. 45.

Hic sanè peccat contra Deum, & damnationem habet; sed Ecclesia nihil habet contra illū, in foro externo.

Propositio haretica.

Ibidem pòst pauca.

Quod si uxorem duxerit, pœniteat de peccato desertionis, sed permaneat in coniugio, neq; enim amplius indiget vlla dispensatione. *Et paulò pòst:* quia longè arctius est vinculum coniugij, quàm Monachalis professionis.

Propositio haretica.

Num. 47.

Monachi nullam cum Ecclesia publicè, quantumcunque solennem emittant professionem, contrahunt obligationem.

Propositio sophistica in verbo: publicè. in reliquis falsa & erronea.

Num. 51.

Ex hoc ipso euidenter colligitur, Monachos qui Monachatum cum Clericatu confuderunt, iam neque esse veros Monachos, neque veros Clericos. Clericatus enim cum Monachatu pugnant, & sunt incompatibilia,

Propositio falsa & temeraria.

Num. 78. finali.

Debetis profectò modò possitis; potestis verò, modò velitis Ecclesiā sanctā suo nitori restituere, schismata cōprimere, &c. *Et post pauca ibid.* Solus, mihi

mihi credite, obstat infelix, & vnde quaque abominandus Papa, &c.

Propositio schismatica & seditiosa: Libri q³ secundi mordax, & in Romanam Sedem contumeliosus Epilogus mordaci & contumelioso eiusdem Libri in Sedem Apostolicam prologo conuenientissimus.

LIB. III.

Prooemium.

Numero 2.

Veram aliam Hierarchiam inter nos nullam habemus, qui sub illo vnico Principe & Imperatore ei militamus.

Affertio haeretica Hierarchiae Ecclesasticae omninò perturbatina.

Et paulò pòst.

Vineam hanc maximam inter se partiuntur: officiaq; aliqua, ad torpētes excitandos, inutiles expellendos, vtilis aduocandos, amicabili consensione ita distribuunt, vt tamen nemo eorum ex operario fiat Dominus; sed omnes perpetuò sint operarij, & conserui.

Repetitio haereseos quâ asserit omne ministerium Ecclesiasticum esse ministeriale & aequale.

Num. 3.

Hinc iam nobis dominiū vsurpamus in socios, & imperium: sacculum deponimus, vt sceptrum assumamus.

assumamus : ab opere cessamus , vt tantummodo collegis dominemur : nos operarios esse obliuiscimur , & typhum in socios exercemus : omnes serui eiusdem patris familias æquè sumus : & tamen aliquis nostrum sibi soli Oeconomi officium arrogans in suos insurgit conseruos , addicit.

Aassertio in Pontificem iniuriosa, & in verbis , æquè sumus, hæretica.

C A P V T I.

Nullam esse iure Diuino inter Episcopos veram Prælationem, aut subiectionem.

Titulus hæreticus, numero primo ex hæreticis principijs, consequentia hæretica illatus.

Num. 3.

Illa ergo tota vna Ecclesia integra, quam omnes Apostoli initio, per vniuersum orbẽ, in omnibus orbis partibus, fundarunt; dat similiter vnitatem reliquis omnibus, quæ successu temporum, illi adhæserunt, & in dies adhærent, & annectuntur.

Aassertio fraudulenta, quæ ad vnitatem Ecclesie, ab vnitatem capitis maxime dependentem negandam , viam sternit.

Et paulò post.

Ita etiam Optatus vnicam facit in tota Ecclesia Cathedram.

Detorsio Optati violenta, cum Optatus ibidem manifestè tradat vnitatem Ecclesie, ab vnitatem Capitis sumendam.

Num. 4.

Non ergo Roma Regina, sed vna ex innumerabilibus, quæ simul sumptæ, & vinctæ fide ac religione, conficiunt Reginam.

Consequentia heretica sophisticè ex S. Augustino illata.

Num. 10.

Et hæc vnitas est vnitas vnius totius integralis, in re quantitatiua homogenea, quæ habet partes duntaxat integrantes, sed homogenas.

Propositio heretica & repugnans sacra scriptura asserenti Ecclesiam esse corpus constans ex partibus heterogeneis, vnde hereticum est quod subiungit paulò infrà: Et consequenter nulla subiectio, nulla prælatio, sed simplex cohærentia, & situatio, cum sola loci, seu situs diuersitate.

Num. II.

Hanc ergo Ecclesiam, quæ vnus grex magnus est, dico esse vnicam illam Ecclesiam, quam vnicam tot adducta Patrum documenta faciebant, & hanc Ecclesiam eam solam vnitatem habere contendo, quæ est vnitas duntaxat molis, seu magnitudinis, ex pluribus constans partibus integrantes, sed homogeneis.

Repetitio hæreseos præcedenti numero memoratæ.

Num.

Num. 13.

Hæc igitur vna Ecclesia, Christi gratia & iussione, Apostolorum verè opera & labore, post Christi passionem, & resurrectionem fundata; iisdem, per quos fundata est, à Christo Domino, est etiam ad regendum commissà, & commendata; non vni, quia non ab vno, sed à pluribus fundata est, & ædificata.

Repetitio hæreseos sæpius notata.

Et paulò post.

Idcirco operarios omnes, Christus voluit conficere vnicum corpus operariorum, qui in solidum, totam hanc vineam excolerent.

Affertio hæretica in verbo, in solidū, & stulta, supponens corpus homogeneum, cuius partes diuersa habent officia.

Ibidem in fine.

Itaq; iure Diuino Episcopi omnes, quippe Apostolorum successores in officio ministeriali, inter se æquales cum sint, id est, omnes æquè operarij, in hac Ecclesia ad laborandum in solidū deputati, nulla inter ipsos potest esse, ex Diuina institutione, subiectio aut prælatio.

Repetitio hæresis.

Num. 14.

Omnes, inquit Cyprianus, in solidum illam TOTAM Ecclesiam gubernant.

Hæreticus Cyprianum ad solidū & stolidum Ecclesie suæ regimē more suo falso detorquet: quia Cypriani verba etiam vt ab ipso hoc eodē numero citantur sic habent:

F 2

Episco-

episcopatus vnus est, cuius à singulis in solidum
PARS tenetur.

Num. 16.

Audis ex ore vnus Romani Pontificis , pul-
cherrimam veritatis assertionem: Episcopis om-
nibus , inter quos se etiam connumerat , & in-
cludit, generaliter esse Ecclesiam commissam.

*Verba S. Damasi, contra ipsius intentionem ad impu-
gnandum Primatum Romanæ Ecclesiæ, malè torquet,
vt patet ex pracedentibus , & sequentibus eiusdem Ec-
clesiæ.*

Num. 18.

Sed Bellarminus nihil dicit , imo & sibi con-
tradicit.

*Verba iniuriosa in Illustrissimum Cardinalem Bel-
larminum, qui lib. 2. c. 16. rectè dicit: successionem Ro-
mani Pontificis in Pontificatum Petri esse ex institutio-
ne Christi: rationem verò successionis, qua Roman. Pon-
tifex potius , quàm quiuis alius succedit, esse ex facto
B. Petri.*

Et infra.

Quæ verò Ecclesia melius fidem retinuit , &
purius conseruauit , illa ex accidenti facta est
quodammodo matrix, & radix aliarum. Vt Ro-
manæ contigisse docebo lib. 4. seq. c. 3. sed, vt di-
xi, hoc fuit merum accidens, & separabile: imo
& cum omnibus sedibus Apostolicis , com-
mune.

*Propositio heretica dupliciter , quia Romanæ Eccle-
siæ, ex priuilegio Petro à Christo concessio, Matrix & Ra-
dix est aliarum, & deficere non potest.*

Hic

Num. 19.

Hic manifestum est, hos sanctos Episcopos, se simul cum Papa Damaso, & alijs Episcopis Occidētis, agnouisse communes operarios, qui circa corpus vniuersum Ecclesiæ laborent, non quidem inter se, sed soli Christo immediatè subiecti.

Consequentia hæretica, in illis verbis: non quidem inter se, sed soli Christo immediatè; ex synodica Epistola Conc. Constant. primi violenter & falsò illata.

Ibidem.

Vnde & Ambrosius, Non mundauit, inquit, Damasus; Non mundauit Petrus; Non munda-uit Ambrosius; Non mūdauit Gregorius; nostra enim seruitia, sed tua sunt Sacramenta. Dama-sum, Petrum, Ambrosium, Gregorium Theolo-gum simul iungit, & æquè socios facit in solo & nudo ministerio & seruitio, tam in exercitio ordinis, quàm iurisdictionis.

Ineptissima illatio; ineptissimè enim sic infert: Sacra-menta sunt Christi, non Ministrantium: ergo qui admi-nistrant sacramenta, omnes sunt pares in ordine, & iu-risdictione.

Num. 21.

Putasne nunc distinxerit Symmachus in Epi-scopis potestatem iurisdictionis, à potestate or-dinis? Vnicum, inquit, & indiuisum in potestate est in omnibus Episcopis sacerdotium. Et sanè loquebatur de exercitio potestatis iurisdictionis, circa Episcoporum institutiones.

Propositio falsa, Symmachus enim de cons. Episc. allegata epistola scribens de potestate ordinis in omnibus aquali, non iurisdictionis loquitur.

Num. 22.

Intelligit (Origines) proculdubio quemcunque Episcopum.

Falsa & calumniosa interpretatio Origenis, qui de Romano, non quocunque, alio Episcopo loquitur.

Et paulò post.

Gelasius & ipse Põrificalem potestatem, eam nimirum, quæ in omnibus residet Episcopis, cū regali potestate comparauit: Vt his duabus totus mundus rogatur. Vnam ergo solam & sanè eandem agnouit, in omnibus Episcopis potestatem in solidum.

Gelasium de potestate Romani Pontificis loqui patet ex ipsa epistola, quæ est octaua tom. 2. Conc. & ex Greg. VII. li. 8. epist. 21. Vnde colligitur auctoris expositionem fraudulentam esse, eoq; detortam, ut hæreticam suam opinionem authoritate Pontificia confirmasse videri possit.

Num. 24.

Sensit ergo Cyprianus, nullum esse in Ecclesia Episcopum, qui possit clauium vti potestate erga alium Episcopum.

Propositio falsa, quia Cyprian. lib. 3. epist. 13. Stephanum Papam hortatur, ut iubeat deponi Episcopum Arelatensem, aliumq; eius loco constitui.

CAPVT II.

Ecclesiasticam Hierarchiam inter Episcopos & Ecclesias iure solo humano Ecclesiastico esse institutam.

Titul^{us} hereticus ex precedēti capite, heretica con-secutione, illatus.

Num. 4.

Institutionem itaq; primam Patriarcharum, ac Primatum & Metropolitanorum, non est cur tribuamus Concil. Nicæno: id enim gradus hos Ecclesiasticos iam reperit institutos: institutionem verò totam reduxit ad cōsuetudinem, non ad Petrum, vt fatetur etiam Bellarmin. de Rom. Pont. l. 4. c. 25.

Affertio duas falsitates continet: primā, quia Nicæn. Conc. can. 6. initiū sic habet: Roman. Ecclesia semper habuit primatū, vt patet act. 16. Concil. Chalced. secundam quod Bellarmin. idem fateatur, qui tamē loco allegato, disertis verbis scribit, initio à Petro constitutos esse Patriarchas Alexandrinum & Antiochenum.

Num. 5.

Romana tamē varijs vſa occasionibus, & opportunitatibus, sui Patriarchatus limitibus non contenta, paulatim Monarchiam & imperium absolutum in vniuersam Ecclesiam vſurpauit.

Affertio heretica & calumniosa, Romana. n. Ecclesie, quæ primatum semper habuit certi ac definiti termini per nullum Concilium constituti sunt.

F 4

Num.

Num. 8.

Vt planè videas nō iure Diuino, non Romano Pontificio, sed synodico, & Patrum conuentione, Prouinciarum curam fuisse certis Ecclesijs attributam.

Affertio haretica & simul Concilijs repugnans.

Num. 12.

Concilium Chalcedonense repetit, & confirmat decretum Concil. Constantinopolitani, in quo similis primatus datur Ecclesiæ Constantinopolitanæ, atque erat primatus Romanæ.

Vtriusq; Concilij Canones, de Concilio Constantinopolitano loquentes, sunt spurij & illegitimi.

Num. 16.

Apertè igitur profitetur Iuo æqualitatem inter diuino, inter omnes Episcopos: & sola Ecclesiastica institutione, quosdam actus cōcedi alijs, supra alios: meram vero ambitionem esse, vbi vnus Episcopus, quicunq; ille sit, & quocunq; primatu Ecclesiastico ornatus, velit sibi soli omnem potestatem Ecclesiasticam arrogare.

Calumniosa & mala illatio ex S. Iuone, qui epist. 33. ad Paschalem Papam gratulatur ei, quod Apostolici gradus culmen ascenderit. Epi st. 53. alijsq; pluribus, eundem omnis Ecclesiæ caput nominat.

CAPVT III.

Num. 9.

MOrem vides antiquissimum ab ipsa Euan-
gelica & Apostolica traditione, vt asse-
bat

bat Cyprianus, emanantem; vt Episcopi, aut electione & propositione totius Ecclesiæ, etiam laicorum. (vnde iam abusus irrepsert tempore Origenis,) aut saltem communi plebis assensu designarentur, & ad Episcopale munus assumerentur.

Hæ assertiones aliæq; infinitæ similes, quatenus asserunt Euangelica & Apostolica traditione electionem laicis æquè vt Episcopis conuenire, œcumenicis Concilijs aduersantur.

Et paulò post.

Communem ponit (Can. 6. Concil. Niceni) electionem, non ab Episcopis tantum factam, sed etiam concurrente cum illis, & clero & plebe loci, de Episcopo prouidendi.

Falsò hoc can. vocem, communem; ampliando nimis ad laicos extendit, vt patet ex translatione Isidori Mercatoris.

Num. 52.

In ordinationibus verò totam dicimus consistere potestatem missuam sacerdotum, & cœsequenter in consecratione seu missione, tota consistit Episcoporum institutio.

Propositio hæretica.

Num. 54.

Optimè & meritò factum est, vt Reges, & Principes temporales, tanquam suæ plebis precipui protectores, & generales procuratores, electiones pro ipsa, & loco ipsius, peragant.

Propositio falsa, in quantum asserit, consensu tacito

F 5

vel.

vel expresse Pontificis non interueniente, Reges & Principes pro plebe & loco ipsius electiones peragere.

Num. 64.

Nicænus verò Canon octauus, vt Ecclesiæ praxis illum explicat, & patebit ex sequentibus, excludit duos Episcopos inter se diuisos, cum plebis etiam diuisione: non autem duos in solidum, & magna charitate coniunctos, & in vno eodemque agmine in solidum amicè copulatos.

Falsa ab auctore ad nouam suam heresin solidorum Episcoporum detorta expositio can. 8. Niceni, vt patet ex Innoc. I. epist. 29. ad Clerum & populum Constantinopolitanum, qua in causa S. Chrysostomi aduersus eos, qui in locum viuentis alium Episcopum creauerant, Nicenum hunc Canonem id prohibentem citat.

Num. 68.

Hic video supponi, tanquam rem consuetam & ordinariam, vt Episcopus, etiam Romanus, adhuc viuens, sibi delegat successorem.

Propositio falsa in verbis, tanquam rem consuetam & ordinariam, nam præter Petrum M. Antonius neminem alium ostenderit.

Num. 75.

Concludamus; Nihil obstare, quo minus viuentis Episcopo, & suam dignitatem retinente, possit successor ipsius eligi & confirmari: ipso sic volente, & electoribus ordinarijs, hoc est, Clero & plebe, seu loco plebis Principe concurrentibus, Metropolitanoque, seu Patriarcha

chaid concedente & approbante. Nec solum
 posse talem eligi & confirmari, sed etiam si om-
 nes iam dicti conueniant, consecrari; & simul
 cum alio in solidum Coëpiscopum fieri. Et con-
 sequenter posse, ex causis vel inhabilitatis, vel
 ægritudinis, vel occupationis maioris Ecclesia-
 sticæ, & similibus, Episcopo volenti & petenti
 Clero ac plebe assentiente, non solum autho-
 ritate Patriarchæ supremi, sed etiam solius
 proprii Metropolitanæ, dari coadiutor cum fu-
 tura successione.

*Obstat post antiqua iura SS. Concilium Tridenti-
 num sess. 25. c. 7.*

C A P V T IV.

Num. 16.

Damasus per vim & arma, cædesque fœ-
 dissimas in Pontificatum est ingressus.

*Calumnia in S. Damasco, qui iudicio SS. Patrum
 totiusq; Ecclesiæ laudatus & approbatus est, præterquam
 à Marcellino bis schismatico, & M. Antonio de Dominis
 sexies periuro.*

Num. 30.

Nostri tamen summi Pontifices omnia sibi
 licere putantes, contra hæc adco veneran-
 da iura, & laicos, & alienos, & irregulares, &
 plurimos indignissimos promouent, non qui-
 dem ita necessitate aliqua, aut Ecclesia-

rum vtilitate vrgente; sed prece, vel precio suadentibus.

Calumnia in summos Pontifices.

C A P V T V.

Num. 5.

NE putes tamē ordinationes has Episcoporum ex his apocryphis constitutionibus & decretalibus, legem in Ecclesia sumpsisse; non enim lege vlla certa, non Canone, non præcepto, aut diuidi cœperunt prouincię, aut ordinationum Episcopaliū modus præscribi, sed ipsimet Episcopi, & ratione & experimento dictate, & spiritu Christi internè instruente, vt confusio vitaretur, & simultatibus atque schismatibus occasiones præciderentur, paulatim inuexerunt morem & consuetudinem, vt circumuicini Episcopi certis limitibus inclusi, sese inter se ordinarent.

Propositio falsa, canonibus contraria, & simul redolens spiritum illum, qui testimonium conscientijs dat hæreticorum nostri temporis.

Num. 9.

Nunc verò, prohi dolor, lex hæc sanctissima, de tribus ad minimum consecratoribus, more Pharisaico, sicut & plurimæ aliæ, ac præcipuæ, quibus regenda est, iuxta traditiones Apostolicas, & Canones venerandos, Ecclesia; ad externam solam speciem, non sine ludibrio, redacta est,

est, dum summus Pontifex solus sæpissime & eligit, & approbat, & confirmat, & deputat Episcopos: eosque tradit tribus quibuscunq; obuijs Episcopis, etiam ex remotissimis, ac inter se distantissimis, siue etiam meris titularibus, qui re vera nullius sint Ecclesiæ, nulliusque prouinciæ Episcopi consecrandos. Quod est turpiter sacris illudere Canonibus: & tamen Nicænus Canon, Episcopum non esse definit, qui sic per ludibrium sit consecratus.

Affertio in sensu auctoris hæretica, illis verbis, Episcopum non esse, infra sæpius repetita. Eadem est iniuriosa in sedem Apostolicam.

Num. 48.

Consecratio verò est mera quedam cæremonia, cum precibus & manuū impositione, alijsque externis actibus peracta: quæ sæpè ordinationem iam factam subsequitur.

Propositio hæretica.

C A P V T VI.

Num. 23.

Alterum caput mihi videtur grauem in se continere blasphemiam, & ethnicissimum redolere, dum se Papa in terris alterum Deum facit.

Hæc propositio est calumniosa in Innocentium, qui se non alterum Deum facit, sed tantum sese Christi Dei in terris Vicarium dicit.

CA-

CAPVT VII.

Num. I.

NVllum Episcopum esse, iure Diuino, aliorum Episcoporum Episcopum, sed vnumquemque Episcopum esse in sua Ecclesia supremum, & immediatè soli Deo subiectũ, in quantum Episcopus est.

Repetitio hareson supra memoratarum.

Ibidem in fine.

Ostendam enim iurisdictionem aliquam temporalem Ecclesiam in suos ministros, dono & priuilegio Principum, quam aliunde habere non poterat, acquisiuisse. Et infra non præsertim postquam dono Principum iurisdictione etiam aliqua temporaria Ecclesiæ.

*Propositio hæretica, quia o
Ecclesiæ Prelati in ministros
mediatè vel à Christo, vel à*

*Itaque relin
nissima pot
cunon*

*... Vsq
... medium;*

*... dicitur,
... dum*

dum in Concilio Tridentino cernimus hanc Metropolitanorum potestatem erga suos suffraganeos, non parum restrictam, & coarctatam.

Concilium Tridentinum antiqua iura potius renouauit, quam restrinxit: pro bono Ecclesia eidem Concilio restringere licuisset, si placuisset.

Eodem paulò infrà.

Sed totus illius Concilij (Tridentini) scopus fuit, vt amplissimam iam ex innumeris vsurpationibus Papalem potestatem non modo stabiliret, sed etiam faceret ampliozem. Solus enim Papa, solaque Roma Concilium illud rexit, struxit & instruxit.

M. Antonius...ntifici veram obedientiam, &...obseruantiam & receptionem...hanc propositionem cum...is temerè ac sacrilego ore

T VIII.

um. 3.

simus planeque intolerabilem
dum asserit Canoni huic 12.
à Chrysostomo obiectum,
am.

vt autor eum errare fingat, non
chenum fingit.

CA-

XXXX

CAPVT IX.

Num. 8.

Sed hoc est iam ordinarium Paparum artificium, ut quæ Episcopi proprio iure possunt, ea Apostolica concedant auctoritate, ut inde Episcopi fiant merè Papæ ministri & executores.

Affertio calumniosa in Romanum Pontificem.

Num. 16.

Nescio ergo cur Concilium Tridentinum hanc visitandi prouinciam facultatem, à iure diuino radicaliter habitam, & per tot Ecclesiastica iura expressa confirmatam, Metropolitanis auferre voluerit, statuendo ut ipsi Metropolitanis non possint prouincias suas visitare, nisi causa cognita & probata in Concilio Prouinciali.

Iniuriosa reprehensio SS. Concilij Tridentini, quasi contra ius diuinum, potestatem visitandi arctasset Metropolitanorum, quibus iure diuino id non competit.

Num. 22.

Cuius tamen neque necessitatis, neque utilitatis Romæ vlla habetur ratio, sed modo pecunia currat, indifferenter omnes dispensantur.

Propositio iniuriosa in Romanam Curiam.

CA-

CAPVT X.

Num. 4.

HÆc tamen (quod scilicet harum sedium Patriarchalium prærogatiua & institutio ad Petrum sit referenda) cùm in propria causa à Romanis Pontificibus suas fimbrias libenter dilatantibus exaggerentur; si ipsa per se, & ex se, aut aliunde fidem sibi non conciliant; ex dicentium sola autoritate fidem non merentur; sed redduntur suspectissima: Imò in se ruinosa sunt, & facillè reprobanda.

Propositio singularem authoris iactantiam ostentans; falsa est, & temeraria.

Num. 7.

Cùm itaque planum sit, sedes Apostolicas esse multas; non minus tali dignas titulo, quàm sit Romana.

Vana assertio.

Num. 8.

Cùm Episcopus omnis possit mittere nouos Euangelii ministros in proximas regiones, in quibus Euangelium non sit prædicatum.

Propositio hæretica, si loquatur de missione auctoritativa.

Num. 13.

Vt hinc habeamus Metropolitanorum institutionem esse potissimum ad Episcoporum or-

G

dina-

Propositio hæretica, & grauiter iniuriosa.

Num. 21.

Bone Deus, quàm exorbitans dictum, quàm arrogans Assertio Romanam Ecclesiam quatuor Patriarchales Ecclesias instituisse! & ineptiæ huiusmodi nobis pro sanctis oraculis obtruduntur!

Non est arrogans dictum, quod auctoritate Pontificum, Conciliorumq; est munitum.

Num. 23.

Siricius dum ita statuit. Nemo extra conscientiam sedis Apostolicæ, hoc est, Primatis, audeat ordinare Episcopum. Hoc est, non licere Episcopis quibuscunque, etiam eiusdem Prouinciæ, sine concursu, seu consensu sui Metropolitanæ, qualis est Pontifex Romanus, in Prouincia Romana, Episcopum consecrare.

Expositio fraudulenta, & dolosa, ad hoc excogitata, ut nomen sedis Apostolicæ Romanæ sedi suffunderetur.

Num. 32.

Quod si Patriarchæ quinque illi celebres, inter se comparentur, nullam prorsus inter ipsos inuenies, præter solū ordinem dignitatis, & præcedentiæ subordinationem, aut in potestate erga suos subditos disparitatem.

Propositio hæretica, Romani Pontificis primatui, quæ semper habuit derogans.

Num. 34.

Et quis meliùs, atq; ardentius paritatem hanc

licitæ, siue vni, siue alteri, siue etiam ex illis quinque nulli subsint. Habere enim vnum ex his Patriarchis sibi prælatum non est de necessitate salutis, vt iam vidimus.

Propositio heretica: neque enim potest esse membrum Ecclesiæ, extra quam nulla est salus, qui capiti Ecclesiæ subesse repugnat.

Ibidem.

Monarchiam semper & Christus à sua Ecclesiâ amouit; & ipsa Ecclesiâ abominata est.

Propositio heretica sæpius repetita.

Num. 44.

Falsum enim est, vñionem Ecclesiæ Catholicæ in vñitate Rectoris visibilis consistere.

Propositio heretica & schismatica, sæpius repetita & improbata.

Num. 49.

Et nullus Patriarcha, ex Canone Nicæno ius vllum habet in alium Patriarchatum.

Propositio falsa frequenter supra improbata.

Num. 50.

Applaudat sibi quantum vult Innocentius, & excipiat suam sedem, nihil refert. Quod enim de Patriarchalibus sedibus in genere protulit; id de omnibus, etiam de Romana, verissimum est; quam à sacris Canonibus, & sanctis Patribus nunquam exceptam reperies; sed ex æquo cum aliis inclusam; iisdemque obligatam legibus, & decretis.

Propositio heretica, & M. Antonij circa iura Romana sedis, vel crassam ignorantiam, vel mentiendi libidinem affectatam prodens.

CAPVT XI.

Num. I.

NAm exercitium potestatis Episcopalis, quæ de se est vniuersalis, nulli certo loco, nulli certo gregi alligata.

Propositio heretica, supra sæpius improbata.

Ibidem.

Metropolitani, qui in sua legitima ordinatione totam quam habent consequuntur à Deo potestatem.

Propositio heretica, in verbis: Totam à Deo.

Num. 23.

Hoc pacto sibi ipsis nostri Papæ substernunt bases, easque in altum sustollunt, vt Idololum abominationis tantò eminentius super illas collocetur.

Propositio, in Romanum Pontificem plus quàm calumniosa.

Num. 25.

Et tali pallio sibi Metropolitanos omnes totius Occidentis subiungere voluerunt.

Propositio falsa. Omnes enim, etiam non donati pallio, Pontifici Romano subsunt, aut subesse debent.

Num. 26.

Sed quatuor Patriarchas Orientales habere hanc subiectionem ad Romanum, ab eoque teneri

neri pallium postulare, & accipere, mihi videtur falsissimum.

Propositio falsa & temeraria.

Num. 27.

Cum tamen & Concilium Nicænum, & tota Ecclesia, ut iam ostendi, ostendamq; plenius, vnumquemq; Patriarcham supremum fecerit in sua regione, ab alio prorsus inde pendentem cum plena separatione, quoad loca & regiones, Ecclesiasticæ potestatis.

Propositio hæretica, & Concilio Nicæno repugnans.

Num. 28.

Patriarchas quippe nulli certo Ecclesiastico homini etiam iure Ecclesiastico subiectos, voluit per se ipsos sibi pallium sumere, & à nemine illū postulare, ne suprema sedes, qualis est, quæcunq; sedes Patriarchalis, vlli sedi videatur subiecta.

Repetitio hæreseos, supra improbatæ.

Num. 30.

Imperij igitur Christiani abolitio, & Turcorum tyranni ad ipsum Imperium electio, Anglicanæ, Gallicanæ magna ex parte, & Germanicæ, ac Polonicæ, reliquarumq; Septentrionaliū Ecclesiarū à Romana dimembratio, sunt fructus egregij nostræ Papaticæ Monarchiæ. O Monarchiam toti orbi Christiano infaustam, atq; infestā; O servitutem & cæcitatem Principum Christianorum, omnibus lachrymis deplorandam, qui hæc aut non cernunt, aut de remedio oportuno non cogitant.

*Propositio falsa, in Romanum Pontificem iniuriosa,
& seditiosa.*

Num. 35.

Quod Nicolaus rescribit Bulgaris, primam Archiepiscoporum institutionem spectare ad Romanos Pontifices, nō potest intelligi id semper, & ad solum Romanum Pontificem, & ubique spectare.

Expositio falsa, violenta & heretica.

C A P V T XII.

*Hierarchiam hanc Ecclesiasticam nunc plurimum
turbari & confundi.*

Titulatus in sensu auctoris falsus, & iniuriosus, qui non per usurpationem, ut toto hoc Capite calumniatur author, sed suo iure totius orbis terrarum Episcopos constituit, confirmat, & consecrari facit.

Num. 1.

Atq; ut plane agnoscant nostri Papæ, quā miserè errent, dum pulcherrimam, quam exposui hactenus, turbant Hierarchiam.

Repetita calumnia in Pontificem Romanum.

Num. 2.

Qui (Anacletus) ita scripsit, quicumq; ille fuit, aut diuino spiritu, quod futurum erat præuidit; aut oculis suis conspexit, Romanos nostros Pontifices verè tyrannicè, ut ipse loquitur, sibi Episcoporum omnium, etiam remotissimorum ordinationes usurpare.

Calumniosa interpretatio verborum Anacleti, qui Romanorum Pontificum nullam mentionem facit.

Num. 57.

Num. 57.

Obijcies tertiò Gregorium irasci, quod Maximus Salonitanus Episcopus ipso nescio & incòsulto, fuerit ordinatus. Respondeo inde Gregorium maximè irasci. (Et paulo post) quia ex recentiori consuetudine, Metropolitanì, aut à suo Patriarcha erant consecrandi, aut non sine ipsius assensu & Decreto:

Responsio auctoris ignorantiam ostendens.

Num. 58.

Quamvis dubium non sit Martinum (primū sanctum Martyrem & Pontificem Philadelphi Episcopo Orientali epist. 5. autoritate Apostolica præcipientem, ut constituat per omnem civitatem earum, quæ sedi tum Hierosolytanæ tum Antiochenæ subsunt, Episcopos, Presbyteros & Diaconos,) sibi adhuc plusculum aliquid tribuere, sibi què ipsi non nihil assentari.

Affertio in S. Martyrem & Pontificem calumniosa, quem M. Antonius ex caritate tantum fecisse ait, quòd summus Pontifex ex auctoritate Apostolica, quæ data est nobis à Domino per Petrum sanctissimum Principem Apostolorum, factum esse profitetur.

Num. 61. & ult.

Nunc satis sit minuere omnem inobediētiam & rebellionem Episcoporum aduersus suos Archiepiscopos Romæ hodie, & iam diu pro Pa-

patus maiori incremēto foueri, nutriri & defendi, vt iam Episcopi nostri flocci faciant suos Archiepiscopos: Qui & ipsi non sine aliqua (ignoscant mihi quod verum dicam) stoliditate cedūt facile; siue quia iam nihil ad ipsos, si verum Ecclesiæ regimen, & Ecclesiastica disciplina in ipsorum suffraganeis, totaꝫue Prouincia contemnatur; propria enim eheu plurimi curant, & in regimine suarum, Ecclesiarum, stertunt ac dormiunt, & ignauia planè contabescunt, siue quia Papæ adulantes, à quo vel timent sibi, vel sperāt, Metropolitica ei libenter & vltro cedunt potestatem. Quod si Archiepiscopi ita contemnerent Papam, sicut ipsi, Papa auctore, à suis suffraganeis contemnuntur, qui se eis penitus iam faciunt æquales, ordo certè hierarchicus facilè ad suam primam institutionem, integritatemq; reuocaretur, & primæuum suum splendorem recuperaret. Vtinam.

Conclusio libri tertij in sedem Apostolicam contumeliosa, scandalosa, & proæmio libri simillima.

LIBRI IV.

De Romana Ecclesia,

Proœmiũm.

Proœmiũm calumniosum in Romanam Ecclesiam,

C A P V T I.

Ecclẽsiam Romanam non esse peculiarem Petri sedẽ in.

Titulus infra num. 8. Explicatus his verbis. Illud est firmiter asserendum, Petrum ita fuisse Romanæ Ecclesiæ Episcopum, vt tamen nulla alia peculiari ratione in ea vrbe Episcopatum tenuerit, nisi ratione sui Apostolatus, *hæreticus est, traditionibus, Concilijs, Patribus & historijs repugnans.*

Num. I.

Supremus Ecclesiæ Romanæ Primatus, ipsiusque supra cæteras omnes Christi Ecclesias imperium, sicuti reuera nullis solidis innititur fundamentis, ita penitus illum consideranti & excipienti, statim suam prodit imbecillitatem, nutat, ruir, concidit, prosternitur.

Affertio hæretica & schismatica.

Num. 5.

Ideo Vicarij Petri dicebantur Romani Pontifices,

fices, quia se in locum Petri, hoc est, puri ministri, & serui substitutos puros ministros & seruos agnoscebant.

Expositio inepta, nominis Vicarij & heretica, quatenus dicit Petrum & Petri successores esse puros ministros.

Num. 9.

Si itaque fundatio Romanæ Ecclesiæ spectetur, eam aut magis, aut non minus Paulo debere, quam Petro affirmamus.

Assertio heretica, in verbo non minus, quam repetit infra, num. II.

Ibidem.

Nescio tamen cur idem Chrysostomus Petrū Romæ prædicasse asserat, tunc quando ad Romanos Paulus scribebat.

Nescis quia scire recusas.

Num. 21.

Vbi Petri Romam aduentus secundo Claudianno? quod quia Eusebius in chronico, certè inconsideratè ac indiscussè protulit, inde & Hieronymus, & cæteri ferè omnes scriptores posteriores errorem hauserunt.

In Eusebium, aliosque Patres, inconsiderata, ac malitiosa censura.

Num. 25.

Neque Antiochiæ, neque Romæ Petrus propriè

priè sedit, qui non vt sederet, sed & excurreret Apostolatum accepit, & quocunque pergebat, semper suam Cathedram, hoc est Episcopalem potestatem, secum deferebat, quam nulli certo loco alligatam habebat.

Propositio falsa, quæ aut ignorantiam, aut malitiam authoris prodit.

Num. 28.

Paulus certè, vt iam ex multis coniecturis videor manifestasse, prius Romam venit, quam Petrus; & Romanam Ecclesiam fundauit, in eaque ipse prior Cathedram Episcopalem collocauit, hoc est Apostolicam actualem potestatem exercuit, & vsque ad mortem ibidem laborauit.

Conclusio falsa & temeraria, communi sententiæ Patrum & historicorum repugnans.

Num. 30.

Iustinus, Irenæus, qui cum nullam de ipsius Simonis Magi extinctione per Petrum Romæ facta, mentionem habeant, valdè suspectam reddunt totam historiam, de hac eadem Magi Romæ per Apostolos extinctione, & cōsequenter de Petri Romam aduentu, occasione Magi persequendi.

Suspicio temeraria.

Num.

Num. 31.

Quare primus Petri Romam aduentus omnino ponendus est circa duodecimū Neronis annum: quo enim tempore, & non prius Baronius ponit secundum Petri aduentum, id, vt probaui, plane tempus deberet esse primi aduentus. Paulus itaque integro fermè decennio prius Romam venit quam Petrus:

Affertio plane temeraria.

CAPVT II.

Romanam Ecclesiam esse Ecclesiam particularem tantum, vnam ex cæteris.

Titulus hereticus in verbo tantum, quem auctoritate Pontificum Patrum Conciliorum Historicorum male adducta, male probat.

Num. 2.

Vniuersalitatem verò illam supremam Papatus nunquam fuisse, aut agnitam puræ Ecclesiæ, aut in ea commemoratam.

Affertio falsa, veritati historice repugnans, sicut eadem num. 11. in fine repetita.

Num. 5.

Martinus seruus seruorum Dei, atque per gratiam

tiam eius Episcopus sanctæ Catholicæ atque Apostolicæ Ecclesiæ vrbis Romæ, &c. Hic certè suū Episcopatū restringit ad ipsam Ecclesiam particularem Vrbis Romæ, quam Catholicam vocat, vel quia erat vna ex Catholicis, hoc est, fidē Catholicam amplectentibus ac docentibus, vel quod totius Catholicæ Ecclesiæ Vniuersalis membrum esset.

Sancti Martini Papæ I. verba ineptè à M. Antonio detorquentur.

Num. 36.

Imò ipsam esse constat perfectissimè schismaticam, & quod peius est, & schismati addit tyrannidem verè Antichristianā caput se contra Christum, qui solus, & verum suæ Ecclesiæ caput est, constituit.

Propositio falsa, heretica & calumniosa in Romanam Ecclesiam.

C A P V T III.

Num. 7.

VAnam verò & commentitiam illam maternitatem respuamus, quam ei nostri Monarchici tribuunt; videlicet ideo eam esse Matrem omnium Ecclesiarum, quia ab ea omnes Episcopi suam habent ordinationem, & dignitatem.

Propositio priore sui parte heretica, & seditiosa.

CAPVT

CAPVT IV.

Constantinopolitanam Ecclesiam paribus emi-
nere priuilegijs cum Romana.

T*itulus hereticus ab impugnationibus canonum &
Leonis Pontificis malè defensus.*

Num. 20.

Hierarchiam Ecclesiasticam inter Episcopos,
esse de solo iure humano : & nego Primatus ho-
sce ad res diuinas pertinere , multo magis nego
ex iure diuino Romanam Ecclesiam , aut vllam
aliam particularem , vllam præminentiam su-
pra cæteras vnquam habuisse, quod opinabatur
Leo sustinere nō potest, qui facilè sibi etiam scri-
pturæ contraria solet in gratiam huius Primatus
persuadere.

*Repetitio plurium hæreseon supra improbatarum, cum
adiuncta graui calumnia Leonis Papæ.*

CAPVT V.

Romanum Clërum, hoc est, Cardinales, nul-
lam habere aut dignitatis, aut potestatis
supra alios cleros vlllo iure, vel
diuino, vel Ecclesiastico,
prærogatiuam.

Titulus falsus, & erroneus, in verbo vlllo iure.

Num.

Num. 5.

Omitto itaque nunc, imò contemno, etymologiam Cardinalium, quam sibi ipsi nimium blandiens excogitauit Leo nonus, dum Papam facit Cardinem totius Ecclesię, & inde Clericos ipsius ait vocari *Cardinales*! cardini utiq; illi, inquit, quo cętera mouetur, vicinius adhęrentes. Cardinem enim illum ab Ecclesię valuis, & amoui, & amoueo, & amouebo, & meam etymologiam, ut verissimam & propriam iam confirmo.

Vana iactantia. Porta inferi non praualebunt aduersus Ecclesiam.

CAPVT VI.

Romanum Episcopum non esse proprię
peculiarem Petri successorē.

Titulus sæpius repetitus, hæreticus & schismaticus, quem malè probat, & contra Bellarminum & Baronium, malè defendit.

Num. 2.

Non enim Petrus habuit quicquam peculiare, in quo ei dari debeat, magis quàm cæteris simul omnibus, successio.

Repetitio hæreseos præcedentibus libris frequenter improbata.

H

Num.

Num. 7.

Planum est Papatum hunc esse totum fictitium, commentum hominum, à Christi institutione remotissimum.

Repetitio haresis, & calumniarum in Romanam Ecclesiam.

Num. 19.

Absolutè nego Romanum Pontificem esse Petri peculiarem quocunque iure successorem : ex iure enim diuino colligimus, Romanum Pontificem non posse vlla ratione peculiari Petro succedere.

Affertio heretica, schismatica, & Romano Pontifici contumeliosa.

CAPVT VII.

Ecclesiam Vniuersalem nullum habere in terris vnicum caput Vniuersale.

Titulus hereticus & schismaticus.

Num. 1.

Quis non videt Primatū hunc Romanj Pontificis totum esse vsurpatum, & Christi institutioni, sanctisque Euangelijs, & Diuinis scripturis repugnantem?

Propositio heretica, & in Romanum Pontificem iniuriosa, quam n. 2. diuersa phrasi repetit.

Num. 8.

Sicut enim sola vsurpatione Papa se erexit,
ita

ita potest sublata usurpatione aboleri, quod non modo absurdum non est, sed etiam in Ecclesia omninò necessarium.

Propositio schismatica & seditiosa.

Num. 25.

Sancti prisci Romani Pontifices, plusculum aliquid sibi quàm par est tribuerunt.

Propositio in sanctos Pontifices antiquos, iniuriosa.

Num. 38.

Vniuersalis Ecclesiæ caput hoc ingens toti corpori graue ambitio potissimum Romana genuit. Qui quidem Papatus monstrosus non statim totus in lucem est editus; sed paulatim diuersis se occasionibus offerentibus, & per patres, acceptis subinde incrementis, ex informi imbecilloque embryone in validum, & maturum fœtum adoleuit: tandemque exactis temporibus partus ille infœlix, toti que Ecclesiæ infestus ex utero prodijt.

Propositio calumniosa in Romanum Pontificem, & hæretica in verbo paulatim, in quantum indicat Pontificem Romanum non semper fuisse caput Ecclesiæ.

Num. 53.

Maneat supremum Papatum cum potestate Vniuersali in istam Ecclesiam Vniuersalem, nullum esse in Ecclesia, neque esse posse aut debere.

Conclusio hæretica.

CAP V T VIII.

Romanum Papatum Vniuersalem sanæ
Ecclesiæ nunquam fuisse
cognitum.

Titulus falsus ostendens vel autoris ignorantiam,
vel in mentiendo inuerecundiam, quem malè tor-
tis Conciliorum œcumenicorum & sanctorum Patrum
auctoritatibus frustra probare conatur.

Num. 53.

Sed ego quoque illiteratum & notoriè ac in-
signiter scelestum ex sanctorum Patrum dictis
insinuauì, sacrum ordinem non suscipere, & sa-
crum ordinem posse amitti.

*Hæresis Bohemorum in Concilio Constantiensi da-
mnata.*

Num. 75.

Ego verò Papatum schisma merum esse asse-
ro, ac probo, factionemque se à reliqua corpo-
ris compage auellentem. Hinc illa Ecclesiæ O-
rientalis & antiqua, & hodierna ab Occidentali
etiam in dogmate obfirmatior auersio. Hinc
certè Ecclesiarum quarundam ex illis, quæ re-
formationis studio omnem cum Romana com-
munionem abiecerunt, feruor & vehemen-
tia.

*Propositio schismatica & in Romanam Ecclesiam
calum-*

calumniosa, neque enim eius culpa, sed propria sua malitia homines heretici ab Ecclesia deficiunt.

CAPVT IX.

Optimè colligitur in Ecclesia Vniuersali Episcopum vniuersalem nullum dari, quia illa à particularibus Episcopis tota regitur sufficientissimè, qui à nemine turbari debent.

Heretica assertio supra sepè improbata.

Num. 19.

Romanus Pontifex, ipse est primus & maximus Canonum contemptor & conculcator.

Propositio calumniosa.

Num. 22.

Omnia tamèn hæc sedis Apostolicæ priuilegia esse falsa, ac partim ipso facto illegitima, partim alijs erepta & vsurpata ostendo.

Assertio temeraria.

CAPVT X.

Dicta & facta veterum, Papatum præseferentia, eidem nil prodesse.

Titulus falsus est & factiosus, quem Marcus Antonius contra auctoritates, facta, & exempla Patrum, Pontificum, Conciliorum, vanè statuit.

H 3

Num. II.

Num. II.

Concilia Occidentalia , vt Lateranense sub Innocentio III. Lugdunense sub Gregorio X. & Florentinum, sub iugo Monarchiæ Romanæ Ecclesiasticæ iam dominantis gemendo , applaudere tanto Monarchæ sunt coacta.

Propositio falsa, calumniosa, & scandalosa.

Num. 50.

Hic est error iam ordinarius Põtificum Romanorum , dum opinantur à Christo fuisse Petro quendam Primatum iurisdictionalem in Ecclesiam Vniuersalem traditum , & per Petrum in Romanos Pontifices propagatum.

Propositio hæretica & schismatica, in verbo, error.

Num. 53.

Postremi tamen postremarum ætatum Papæ , iam planè omni deposita modestia , cum multis & apertis , voluntarijsque vsurpationibus, se ad hunc absolutum & maximum Papatum euexerunt , facti per fas & nefas totius Ecclesiæ Monarchæ absoluri , & de suo hoc exorbitanti Monarchatu , non modò encomia, sed etiam Decretales , & definitiones ediderunt.

Inuerecunda , & immodesta in Romanos Pontifices calumnia.

Num. 95.

Num. 95.

Bedam, & Anselmum, & Hugonem Victorinum, & Bernardum, inter Monarchicos, non quidem decipientes, sed potius deceptos reponimus. Alios verò posteriores, magna ex parte parasitos & assentatores, malaque fidei deceptores, & contra propriam scientiam atque conscientiam, contentiosos & verbosos disputatores, isthac in causa rejicimus penitus, ne dicam, contemnimus.

Propositiones contumeliosæ.

Num. 98.

Quare Bonifacij Octavi definitio, quam secutus est etiam Leo Decimus, qua declaratur, de necessitate salutis esse omni humanæ creaturæ, Romano Pontifici (ut capiti, putà in spiritualibus & temporalibus vniuersali) subesse errorem continet intolerabilem.

Propositio heretica.

Num. 99.

Si quis verò opponat in Concilio Constantiensi, fuisse Wicleffi & Hussi articulum de Primatu Papæ ab eis negati condemnatum: Respondemus, Patres Concilij Constantiensis Monarchiam Ecclesiasticam tenuisse, & communissimo iam errore fuisse infectos.

*Propositio hæretica, & in Concilium Constantien-
se iniuriosa.*

C A P V T XI.

Num. 19.

Cardinales itaque cùm primum soli cœpe-
runt esse Romani Pontificis Electores,
per vim & iniuriam, contempta iam firmitissi-
ma Apostolica regula, & totius Ecclesiæ con-
suetudinibus, ac statutis innumerabilibus con-
culcatis, iniqui fuerunt huius Electoratus v-
surpatores, & adhuc sunt iniqui eiusdem de-
rentores, malæ fidei possessores. Quare si sede
vacante, Canonici Lateranenses cum reliquo
Romanarum Ecclesiarum proprio clero, & se-
natu, populoque Romano coniuncti, Pontifi-
cem Romanum eligerent, & eundem sic ele-
ctum facerent ab Episcopis circumuicinis, et-
iam non Cardinalibus (si Episcopi Cardinales
renuerent) consecrari, is verus & legitimus
esset Romanus Pontifex, multo magis quàm
ille, quem in conclauì eligerent Cardinales, &
consecrarent.

*Propositio calumniosa in Cardinales, seditiosa,
& hæretica in assignatione firmæ electionis Ponti-
ficis.*

Num. 46.

Electio enim ipsa, vt dixi & dicam, non facit
Episco-

Episcopum , neque de se est aliquid spirituale, sed merè temporale, in quo Principibus condescendere, & obtemperare interdum operæ pretium esse duxit.

Propositio erronea in verbo mere temporale. &c.

Num. 47.

Electiōnem verò & confirmationem , nihil Ecclesiasticæ potestatis cuiquam conferre , sed personam tantum designare , cui Ecclesiastica potestas sit ab ordinatoribus solis tradenda.

Propositio scandalosa, & hæretica, in quantum dicit potestatem omnem per solam ordinationem conferri.

C A P V T XII.

Legatos Romani Pontificis, extra Romanam Ecclesiam, vix vllam habere potestatem.

Titulus, hæreticus, schismaticus & seditiosus.

Num. I.

Romanam Ecclesiam possum considerare in triplici statu. Primum sanam: deinde valetudinariam: ac demum penitus agram; Primis temporibus sana fuit & vegeta: medijs leuiori morbo laborauit : postremis prostrata decubuit & decumbit, vtinam non ad mortem. Aegra demū Romana Ecclesia legationibus ad fastum duntaxat, pompam, dominatum, & auaritiam ac rapacitatem iam diu vtitur.

Propositio falsa & contumeliosa in Romanā Ecclesiā.

NUM. 21.


Postremis demum temporib. legationes Romanae, & Nūciaturæ ad auaritiā ambitionem, & ad sola negotia terrena, & temporalia, expeditæ sunt, & expediuntur, legationes sanè ordinariæ Piceni, Romandiolæ, Bononiensis, Ferrariensis, Auinionensis, & si quæ sunt similes, sunt Præturæ, Prouinciales, vel Præfecturæ, & Proconsularis, nō Ecclesiasticæ pro rebus Ecclesiasticis legationes, vt omnibus re ipsa notum est, & manifestum. Nuntij verò Papæ nunc dierum apud Imperatorem, Reges & Potentatus Christianos, eodem penitus loco sunt, quo Regum Legati in Curijs Principum seclarium, pro negotijs nimirum secularibus potissimum tractandis, & indagandis, comorantes. Accertè, si optimo eos nomine insigniamus, sunt oratores, si verò exploratores.

Propositio falsa, seditiosa in Romanum Pontificem, eiusq. legatos calumniosa.

Annunciaui iustitiam tuā in Ecclesia illa magna, non ex meo ingenio, vt tu ipse Domine testis es, tua, non mea, verba annunciaui, & adhuc labia mea non prohibebo, quæ, vt olim labia Asinæ Balaam, tua solius mota virtute sunt proloquuta.

Ficta sanctitas Marci Antonij.

F I N I S.




OMnium harum propositionum cēſura per
deputatos Facultatis Theologicæ Magi-
ſtros & Doctores, Facultati toti, poſt decanta-
tum ſacrum de S. Spiritu, exhibita, & approba-
ta, lecta eſt, & promulgata in aula Theologica,
iuſſu, & authoritate Magiſtrorum eiſdem Fa-
cultatis, ſolenni ritu præſidentium, præſentibus
Licentiatis, Baccalaureis, cæterisque Theolo-
giæ ſtudioſis, ad hoc ſpecialiter conuocatis: ac
pleno totius Vniuerſitatis auditorio. Et per om-
nia concordat cum ſuo originali.


*De mandato dictorum DD. Decani
& Magiſtrorum Sacre Facul-
tatis Theologicæ Colonienſis.*

Ita teſtor


*Iacobus Eilinch Vniuerſitatis
Colon. ac Theologicæ Fa-
cultatis Notarius, & Pe-
dellus.*











5-6-1



BIBLIOTECA